



UNIVERSITÄTS-
BIBLIOTHEK
PADERBORN

**EXEGESIS || IN EPISTOLAM || D. PAVLI AD EPHESIOS ||
ECCLESIAE, SANCTORVMQVE PA-||TRVM MENTI, ITA,
DEFENDENDIS PRÆ-||cipuis fidei dogmatibus accomodata,
vt à Ro-||berti Rolloci Scoti, Eidenburgensis ...**

Stewartius, Petrus

[S.I.], 1593

VD16 S 8959

[urn:nbn:de:hbz:466:1-70277](https://nbn-resolving.de/urn:nbn:de:hbz:466:1-70277)

Th. 6009.

S. XI. 44.

H

§ XI
22

Ha

EXEGESIS
IN EPISTOLAM
D.PAVLI AD EPHESIOS
ECCLESIAE, SANCTORVMQVE PA-
TRVM MENTI, ITA, DEFENDENDIS PRÆ-
cipuis fidei dogmatibus accommodata, vt à Ro-
berti Rolloci Scoti, Eidenburgensis Ecclesiæ mi-
nistri, praua, quam nuper edidit, expositione vin-
dicitur, ad publicam disputationem INGOL-
STADII IX. Aprilis, Deo bene iu-
uante, proposita.

PRÆSIDE ET AVCTORE
PETRO STEVARTIO LEODIO,
ss. LITERARVM IBIDEM PROFESSORE ORDI-
NARIO, MAVRICIANO pastore, & Ser. mi utrinque
Bauariae Dvcis, &c. Confiliario.

DEFENDENTE VERÒ
REVERENDO ET DOCTISSIMO DN.
M. ANDREA MELEMIO AD S. MAVRI-
CIVM Presbytero, & ACADEMIÆ ibidem
BIBLIOTHECARIO.

INGOLSTADII,
Ex Officina Typographica DAVIDIS SARTORIL.

Anno M. D. xciii.

IN ARGUMENTVM
DE PRÆDESTINATIONE,
CARMEN PHIL. MENZELII
D. MEDICI.

VIS dominatoris cognouit sensa Deorum?
Aut à consiliis fuit? aut largitor eidem?
Dona prior dedit, ut repetat pensanda viciſſim?

Nonne, ſemel cælo quos destinat ille, vocatos
Sorte, facit iustos idem, factosq; coronat?

Antiqui male ſanguis Ada, patris emul aroleſ,
In uitium tenero iam dum procliniſ ab ortu,
Uſque ſub extreum vitæ, gelidamq; ſenectam;
An meritis nitare tuis? circumſpice late:
Nulla via eſt, qua te ipſe feras ſublimis ad aſtra:
Immensum magno chaos intercedit hiatu,
In medio: penitus adeo radicibus herent.
Scilicet admorſi prima uia piacula mali.

Una D E I bonitas, una indulgentia fontes
Prauenit; & miſerans legit alta mente, beatas
Ad ſedes Superū, eterna ditione tenendas:
Naturamq; ſuprā, filo dux dirigit aureo.

Ipsa D E I ſoboles ad ſe, patremq; veniri
Poſſe negat, ni ſpontē vocet prius ille, trahatq;.
O altum immenſum, numeroq; modoq; carentes
Diuitiae, quas ſumma D E I ſapientia ſummi
Condidit illa ſibi; nulloq; ſcienția fine!
Ut tua iudicia, & que ſtet ſententia menti,
Conditor o, cuſtosq; hominum, comprehendere non eſt
Sensibus hiſ! ut nulla viam veſtigia monſtrant!

E R R A T A.

Pag. 10, 12. in tit. lege Exegesis, pag. 31. lin. 13. ſide. pag. 50. lin. 7. idea. Ge.



ILLVSTRI AC GE-
NEROSO DN. D. ANTONIO
FVGGERO SENIORI, BARONI IN KIRCH-
BERG & VVEISSENHORN, &c. Domino pa-
trono meo honorando.

Oste aquam sacrorum oraculorum

Dinterpretes, Illustris & Generose Domine, Pauli ne- 2. Corinth. 10.
glecto consilio, tum humani ingenij acumine, tam
natura & rationis vi potius, quam fidei à maioribus
accepta, niti cœperunt tantum priuatæ suæ opinioni
detulerunt; ut ab omnium sententiis, qua nescio ve-
recundia, discederent, quasi, ut est apud eundem Apostolum, vel ab 1. Corinth. 14.
ipiss Dei verbum processisset, vel ad eos solos peruenisset. Cui malo, salu-
taria remedia iam pridem videri poterat, attulisse Vincentius Lyrinen-
sis, quando mentem & voluntatem diuinam ex sacris literis eruturos,
monuit, ut in priores interpretes, à quibus Dei verbum processit in po-
steros, spectarent, ne priuatum suum sensum tenaci contentione defen-
dant: sed reliquos prius Ecclesiæ Doctores consulant; ut si viderint omni-
bus iam probari, quod sentiunt, tutò iam teneant: sin reprobari, tutò iam
deserat. Quo salutari consilio sit perspicuum, eos, qui à communi se Ec-
clesia & fide se ininxerint, priuatamq; opinionem eligentes ab institutione
Catholica discesserint, Sectarios haberi debere. Cum itaq; maximi re-
ferat, ut quibus in Ecclesia Scripturæ explicanda munus incumbit,
doctrina nouitas, quantum cum vetustate pugnet, ostendant; tum abs
re non facere me existimo, quando hæreticorum commentariorum nu-
per editos libros cum Orthodoxis conferre soleo, ne vel sub verbi diuini
prætextu, vel sub Apostolica disciplina ficta expositione, in fidelium
manus veniant, omnesq; simul animaduertant, quam diuersum huius
temporis hæretici doceant ab his, quæ Patres iam dudum tradiderunt.

A 2

Quare

EPISTOLA DEDICATORIA.

Quare (quod mea professionis est) cūm præterito Autumno, eius generis
in eam epistolam, quam publicè prælegere cœperam, commentarium
incidisse, notare non modo breuiter volui, quæ ad veritatis Apostoli-
ca defensionem pertinere existimabam, sed & meam hanc animaduer-
sionem disputandā volui proponere, ut sana doctrina Doctoribus meam
operam & studium probarem, & Theologia Studioſis hac ratione, con-
ſlaret, quanti referat, quos quisq; sacrarum literarum manibus terere
debeat interpres. Cūm porro præteritis diebus I. D. V. coram in ſuo
Hanhouienſi Tuſculano adeffem, ubi tantam diuersi generis optimo-
rum librorum ſupellec̄tile incomparabili ſumptu, ex diuersis locis com-
portatam parat, quantam & ad Orthodoxæ doctrinæ puritatem de-
fendēdam, & ad nobilium Scientiarum, literarumq; præstantiam tue-
dam probandamq; ſufficere existimo, mibi in mentem venit, hanc à me
eandem ſine animaduersionem, ſine diſputationem eidem I. D. V. di-
cari debere. Cūm enim y maximè ſint colendi, qui optimas artes &
disciplinas ſuis opibus liberaliter iuvant et promouent, tum I. D. T. plu-
rima deberi à literatis hominibus puto, quæ eruditis ingenii hunc am-
pliſſima bibliotheca theſaurum, perpetuum ſcilicet & virtutis & do-
ctrina ſua monumentum parat. A me vero quantum expectare debeat
D. T. facile ſentio, quem totos viginti annos maximis & gratiſimis stu-
diis prosequitur. Ut enim D. T. I. ingenio eſt liberali, ita & docto &
eruditio, ac proinde fit, ut & facile & libenter eos communium olim-
ſuorum ſtudiorum ſocios complectatur, qui publicis iam ſtudiis operam
ſuam nauant. Uehementer itaque ab I. D. V. peto, ut hoc quicquid
eſt, memoris animi indicium equi conſultum velit. Vale mi Domine,
& tuum STEVARTIVM ama. Ingolſtadij ad S. M A V R I C I V N.
Ipſo Annuntiata Virginis, M. D. XCIII.

F. D. V.

dd.

Petrus Steuartius.

ARGUMENTVM
IN EPISTOLAM AD
EPHESIOS.

PAVLVS ROMAE carceri mancipatus, postquam audisset Ephesios, (ab urbe Epheso Ionia in Asia minore metropoli sic dictos) Sectariorum fraudibus, in diuersa studia concitari, hanc ad eos epistolam per Tychicum Diaconum dedit. Quâdum ab iis vehementer petit, ut elusis Nouatorum falsis opinionibus, in accepta vere fidei religione constantes manere velint, potissima Christianismi dogmata subtiliter atq; ideo subobscure exponit. Eandem porrò veritatis doctrinā, Christianæq; disciplinae & economiam repetens, quam toto triennio, maximo cum fructu, licet nō sine suo periculo, viua voce docuerat, Euangeliū maiestatem, Christi beneficia, & muneris sui Apostolici dignitatem magnifice extollit, monens ut quā corde credunt, oreq; fidem profitentur, vita innocentia morumq; probitate exprimant. Quod ab ipsis summa fide & obedientia fuisse præstitum, testis est D. Ignatius.

Anno Christi
LIX.conuer-
sionis sua 24.

Ignat.epist.24.

CAPVT PRIMVM.

PAVLVS Apostolus IESV CHRISTI, &c. Benedictus Deus & Pater Domini nostri IESV CHRISTI, qui benedixit nos in omni benedictione spirituali in cœlestibus in CHRISTO.

VIA PAVLVS eodem ferè semper exordij generē vtitur, quod est alibi sæpè à nobis explicatum, ideo ipsius epistolæ argumentum statim

A 3 aggre-

aggredimur. Cùm Deus infinitè sit voluntatis, eo ipso quòd cuiquam benedixerit, dicitur etiam benefacere, ipsumque donis siue naturalibus, siue supernaturalibus cumulatissimè prosequi, quia nihil ab ipso dici potest, ut fiat, quin statim id ipsum effectui mandetur: ^a ipse enim dixit, & facta sunt, ipse mandauit, & creata sunt. Hinc est, quod Apostolus, eadem usus benedicendi voce, (quæ creature accommodata, iam ^b laudare, iam agere gratias significat) laudes debitas persoluat, quod & Iudeos & Gentes communibus beneficiis, non terrenis, quæ veteris legis propria fuerunt, sed spiritualibus, quibus æternæ vitæ consequendæ hominum spes maximè erigitur, cumulârit. Hæc enim spiritualis benedictio inter cætera tūm peccatorum remissionem, tūm iustitiæ donationem, tūm adoptionem in filios Dei & consortium naturæ diuinæ complectitur, quæ maxima dona per Christum à Deo, hominum generi conferuntur, quia, inquit Augustinus, per solum Christum habemus hanc gratiam, ut ad Deum accedamus, & à Deo non recedamus.

*August. lib. de
persecut. bon.
cap. 7.*

Sicut elegit nos in ipso ante mundi constitutionem, ut essemus sancti & immaculati in conspectu eius, in charitate.

2. Quemadmodum Deus nos per Christum maximis donis prosequitur: ita nos eosdem gratis per eundem,

*a Aug. in hunc locum lib. de
prædest. Sanct. cap. 18. lib. de
bon. persec. lib.
de gratia & li-
bero arbit. de
corrept. & gra-
tia epist. 105. &
106.*

pro sua in nos dilectione antequam initium fundamenti orbis iaceret, elegit. Quâ Pauli sententiâ, ^a & primam iustitiam, & in illa perseverantiam, dono gratiæ diuinæ non solius arbitrij viribus esse tribuendam conficitur, ut volebat Pelagius. Sicut & in hunc locum concludit Augustinus, non quia eramus, sed ut essemus sancti. Ideò quippe tales eramus futuri, quia elegit ipse præstans,

stinans, ut tales per eius gratiam essemus, inculpati scilicet & irreprehensibiles. In eius conspectu, id est, non modo coram hominibus, qui de facie iudicant, sed coram Deo, qui cor^b intuetur: & hoc ut ipsum aliquando contràm intuiti, sempiternam beatitudinem possideamus; Est enim visio, Augustino teste, tota merces. Viderit proinde Rollocus, an Papistas (ut loqui solet) non fuerit calumniatus, quando ex operibus legis iustitiam ab ipsis quæri nimium liberè obganiit. Ipse potius hoc loco, cœcutiens attendat, ne confidentius de sua sanctitate sibi blandiatur, cum se ex electorum numero securius esse iactet, cuius in se ipso quasi periculum ex effectis facere audeat: cum Paulo se non audeat sanctiorem profiteri, qui nullius mali conscientis, sibi tamen semper timens, idè se esse iustum non audebat affirmare: non quod propterea desperaret, sed quod suam salutem cum tremore & timore, quemlibet docere volebat operari, quia legerat, neminem de peccati sui propiciatus, debere esse sine metu.

^b 1. Reg. 16.

^c 1. Cor. 4.
Philip. 2.
Ecclesi. 5.

Qui prædestinavit nos in adoptionem filiorum per IESVM CHRISTVM in ipsum, secundum propositum voluntatis suæ.

3. Decretum, quo Deus homines quosdam ab æterno ordinavit in se ipsum, id est, in veram beatitudinem supernaturalem, per media diuini ordinis consequendam, ^a ut cum se ipso unum effiantur, prædestinatio a Rom. 8. dicitur. Cuius decreti causa est sola Dei ultrò misericordis voluntas, non aliqua necessitas, non præuisa hominum fides aut opera, sicut falso Orthodoxos fingit Rollocus sentire: adeò ut finis ultimi cōsecutio & media particularia, quibus unusquisque prædestinatus supra naturam, beati-

b Rom. 8.

beatitudinem adipiscitur, ipsius prædestinationis sunt effectus, quemadmodum in ea, quæ est ad^b Romanos, expressit idem Apostolus: *Quos prædestinavit, hos & vocavit, & quos vocavit, hos & iustificavit, &c.* quibus verbis apertè complectitur Apostolus omnia media, quibus adultus quispiam prædestinatus beatitudinem consequitur: sicut enim aliena virtute sagitta transmittitur ad scopum, quem ipsa non posset aliqua virtute sua naturali attingere: ita solius Dei hominem diligentis voluntate, ad ultimum finem & simul ad media quibus eum consequatur, à Deo destinatur homo, sicut capite secundo ostendemus, ubi sanctorum prædestinationem nihil aliud esse, quam præscientiam & præparationem beneficiorum Dei, quibus liberentur, quicunque liberantur, ostendemus. Et quia hoc modo prædestinatos suo tempore, adoptionis filiorum Dei iure donari contingit, id per Christum fieri necesse est: nam sicut ignis naturam nihil participat, nisi per id, quod naturâ sua est ignis: ita diuinæ adoptionis priuilegio gaudere nemo potest, nisi per eum, qui naturâ sit filius Dei. Videte qualem charitatem nobis dedit Deus, inquit D. Ioannes, ut filii Dei nominemur & simus. Deus ergo est, qui sua voluntate proposuit saluare, Deus est, qui in adoptionem filiorum prædestinavit, Deus est, qui glorificat & gratificat nos: Sed hæc in dilecto filio suo executus est, in eius sanguine nos liberauit, nos redemit; suam veritatem & viam ad se perueniendi omnibus aperuit. Atq; hic est aduentus Christi scopus, nempe patris sui ut voluntatem faciendo, homines ad Dei cognitionem doctrina & miraculis traheret, & ut reliqua omnia ad salutem pertinencia exhiberet.

*In**Galat. 4.
Rom. 8.**Philip. 3.
1. Ioan. 3.
cap.*

*In laudem gloriæ gratiæ sue, in qua gratificauit nos in dilecto
filio suo.*

4. Quæ à Deo fiunt, hanc naturæ præcellentiam ha-
bent, vt commendare suum authorem desiderent, vt si-
cut ab illo fluunt, ita & in illum tendant, illumque suo
modo appetant, ipsiusque gloriam & manifestare & il-
lustrare percupiant. Propterea prædestinationis hunc
expressit Apostolus scopum, vt homines scilicet cognos-
cant, quantum Dei gloria sit prædicanda propter glo-
riosam gratiam suam, secundum quam filij sui merito,
nos erga se gratos reddit: omnia siquidem propter seip- *Proverb. 16.*
sum operatur Dominus, non quòd glorificationis no-
stræ indigeat, sed vt suas creaturas nobilitet, quod ea- *psal. 15.*
rum maxima gloria in hoc consistat, vt ex natura sua, &
ex voluntate & relatione diuina in Deum & in ipsius
gloriam ordinentur. Sicut est apud Esaiam, omnem, qui *Esa. 43.*
inuocat nomen meum in gloriam meam creaui eum,
formaui eum & feci eum.

*In quo habemus redemtionem per sanguinem eius, remissio-
nem peccatorum secundum diuitias gratiæ eius, quæ super-
abundauit.*

5. Quod sanguinis Christi soluto precio, siue redemi-
pti, siue peccatorum consecuti remissionem, siue à dæ-
monis seruitute liberati sumus, non nostris meritis aut
operibus, sed copiosè gratiæ & misericordiæ diuinæ, di-
cit Paulus, acceptum esse ferendū. Quando enim æqui-
tatis habita ratione, amplius pedit patri Christus quām
homo debuerat, atque ita naturæ humanæ honori con-
sulens, hominum obtutibus obiecit, quod Deus ab eter-
no, de nobis facere decreuisset (in quo peruestigando
potissima hominum sapientia est constituta) facile cui-

B uis

uis insinuauit infirmiores hominum fuisse vires, quām
vt cœlesti patri pro suis delictis, facere possent satis. Fa-
temur itaque, Rolloce,¹ Christi mediatoris merito non
nostris operibus, Deum peccata nostra non puniisse, sed
hoc Christi meritum nobis non applicari asserimus, nisi
etiam mens nostra aliqua vel charitatis, vel pœnitentie,
vel timoris, vel saltem suscepti Sacramenti, actione me-
diante, in Deum conuertatur, cùm Christus alia condi-
tione à suo patre non obtinuerit, vt in suam gratiam,
quā homini peccata remittuntur, admittat, nisi aliquo
harum vel similiūm actionum medio interueniente, si-
cut passim Scriptura testatur, quæ iam Baptismum su-
scipientem saluum, iam pœnitentem remissionem con-
sequi peccatorum, iam Sacramentum corporis & san-
guinis Christi sumentem æternum viuere, &c. pronun-
ciat.

*Instaurare omnia in Christo, quæ in cœlis, & quæ in terra sunt
in ipso.*

6. Mysterij incarnationis finis, qui cò quòd à sola Dei
voluntate dependebat (salus enim hominum Dei vo-
luntas est, quia saluare voluit, Dei opus est, quia salutem
effecit) fuit à sæculis & generationibus ^a absconditus,
nūc verò sanctis Apostolis reuelatus, hic est, quod Deus
Pater voluerit reuocare ad vnum caput, nempe Chri-
stum, homines & Angelos, qui per peccatum erant diui-
si: in Christo siquidem instaurantur, inquit Augustinus,
quæ in cœlis sunt, cùm id, quod inde in Angelis lapsum
est, ex hominibus redditur. Instaurantur autem, quæ in
terris sunt, cùm ipsi homines, qui prædestinati sunt ad
æternam vitam, à corruptionis vetustate liberantur, si-
cut est apud Prophetam:^b *Suscitabo tabernaculum Da-*
uid,

Titum 3.
Nō ex operibus
iustitia, qua fa
cimus nos.
1. Pet. 1.
Apocal. 5.
Ioan. 1.
Luc. 5. vlt.

Ioan. 3.
Luc. 13.
Ioan. 6.

a Matth. 11.

Col. 1.
Gal. 4.

August. in En-
chir. cap. 62.

b Amos 9.

uid, quod cecidit, & reædificabo aperturas murorum eius, & ea, quæ corruerant, instaurabo. Atque Rolloce,
sapientia nostra hæc est, Christum & hunc crucifixum,
non solis, ut falsò nobis exprobas, arbitrij nostri viribus,
sed fidei præsidiis. quām optimè cognoscere, ut eius redemtionis participes effecti, Angelorum esse conciues possimus. Frustrà proinde nobis opus operatum obii-
cis, quasi sine fide & absque vera cum Christo vnitione
cuiquam salutem promittamus. Nam eo ipso, quòd hoc

1. Cor. 2:

*Hebr. 11. Accen-
dente ad Deum
credere oportet.*

singis, significas à te non intelligi, quid Patres velint,
quando infantibus, qui auctu credere non possunt, virtute Baptismi salutem pollicentur, quando Sacramentis
eam inesse vim statuunt, ut gratiam iis fidelibus, qui ita,
ut debebant, dispositi non sunt, existimant conferre.

*1. Cor. 14. Sicut
in Adam om-
nes moriuntur,
ita in Christo
omnes vni-
cantur.*

7. Neque Christi cognitione sola, ut arbitraris, contenti sumus, qui longè amplius quām vos operibus ex fide, gratia & libero arbitrio profectis, tribuimus, ut qui meritis Christi, bonos etiam animi motus, & quod in potestate hominis est, accedere oportere confitemur, quod ipsum hīc tandem videris & tu nobiscum vehementer commendare. Quod verò cœlestium rerum, imò diuinæ legis contemplationem damnas, miror; tum quod in capite libri Psalmorum beati prædicentur, *Psalmi.*
qui in lege Domini noctes & dies meditātur: tum quod *Luc. 10:*
non te fugiat, Marthæ sollicitudinem ita fuisse laudatam, ut partem Mariæ nescias fuisse potiorem. Quod verò spinosas Papisticorum Theologorum de fidei doctrina quæstiones contemnis, haud miror: illæ enim sunt, quæ tui ordinis hæreticos fraudulentis calliditatibus ne fides in nobis aliqua ex parte violari possit, pia cautaque vigilantia prouident. Nam cùm omnes ferè

B 2 hære-

*August. lib. de fide & Symbo-
lo cap. 1.*

hæreticorum errores circa fidei doctrinas promanent ex ignorantia rei alicuius, de qua fides aliquid affirmat vel negat, tūm quæstiones non modò vtiles, sed & necessariæ sunt, quæ de fidei doctrina ita subtiliter tractant, ita vt adminiculo naturalium scientiarum partim definiendo ex effectibus, partim diuidendo & argumentando, doceat, ea de quibus fides aliquid afferit, vel negat.

In quo etiam & nos sorte vocati sumus, prædestinati secundum propositum eius, qui operatur omnia secundum consilium voluntatis suæ, ut simus in laudem gloriae eius.

*a Col. 1.
Psal. 130.*

8. Suo exemplo probate esse verum, Dei in nobis abundasse gratiam, Christumque omnia instaurasse. Quod ne hominum meritis ascribat, ^a sorte se vocatum affirmat. Sors enim cùm nihil aliud sit, quæm rerum, quæ ex voluntate diuina fiunt, inquisitio, gratia porrò ex Dei duntaxat voluntate dependeat (neq; enim ratio disquiritur, cur hic potius, quæm aliis eligatur, elegit enim quos voluit) inde est, quod gratia diuinæ electionis sors vocetur, quia Deus per modum sortis secundum occultam prouidentiam, non ex alicuius meritis per gratiam internam vocat. Vnde subiungit: Secundum propositum eius, qui operatur, vt electionis causam esse Dei meram voluntatem confirmet. Quæcunq; enim à Deo fiunt, non temerè, sed ex sua ipsius ^b ratione atque adeò ex voluntatis suæ proposito proficiscuntur: ita vt quidquid Deus tandem efficit, probare possit esse conueniens,

Vt ostenderet esse bonum, esse naturæ & rationi consonum: & hoc vt diuinitas gloria sue in vas am- sericordia, quæ preparauit in sumat ex iis, qui Christum agnoscunt, incrementum.

9. Dei

*Rom. 8.
August. lib. de
bon persever.
cap. 7.*

b Psal. 113.

9. DEI siquidem laus & gloria maximè extenduntur, quando multi ad ipsum accesserint, inquit Ambrosius, sicut Medici gloria crescit, cùm multos sanauerit & curauerit: Qui enim se in Christo esse sentiunt, & non secundùm carnem ambulant, Dei gratiam amplificant, eius liberalitatem extollunt, &c. Nihil tamen proficit hoc Pauli exemplo Rollocus, volēs probare salutis cuiusq; credentis certitudinem, quia, ut ipse met colligit, Paulus, qui spiritus primitias acceperat, simul etiam salutis suæ consequendæ fiducia videbatur certiore fulciri: alij verò, ut diuina promissio in ipsis impleatur, qua Deus ipsis pollicetur gratiam propter Christum, necesse est, ut gratiæ cooperentur, quemadmodum alibi se facere testatur Paulus: nemo autem citra reuelationem certò nouit, an ut oportebat, gratiæ Dei, quod suarum est partium, etiam adiunxerit. Vnde licet probabili Spiritus sancti testimonio quispiam consequi possit, se esse in gratia, se esse sanctum, &c. inde tamen non conficies, eundem esse certò ex electorum numero, partim quòd is numerus Deo soli sit cognitus, partim quòd multi gratiæ diuinæ dono sint aliquando ornati, qui tamen damnabuntur: quia licet ad tempus vocationi tales respondeant, quia tamen in gratia usque ad finem non perseverant, communis cuiusdam prouidentiæ diuinæ, non prædestinationis effecta dicuntur consecuti. Quare licet credendum sit, peccatorum remissionem & gratiam credentibus, qui, quod suum est, faciunt, contingere: nemo tamen certò sibi persuadere potest, se ita, ut decet, officio suo esse functum: non quòd omnem de salute sua consolationem velimus sublatam (qui enim Spiritu Dei aguntur, non ita difficulter se Dei filios esse Psal. 18,

Esaï. 55.
Eccles. 2.

experiuntur) sed citra reuelationem de propiciatio pecato neminem esse debere sine metu, hortamur, cum delicta non omnes intelligent; sed potius cum Apostolorum Principe monemus, ut bonis operibus vnuſquisque satagit certa facere vocationem suam, diuinamq; iram dignis pœnitentiæ fructibus (quos nugas & commenta vocat nescio, qua temeritate Rollocus) placare studeat.

In quo & vos, cum audissetis verbum veritatis, Euangelium salutis vestre, in quo & credentes signati estis.

10. Beneficiis, quæ per Christum contigerunt, commemoratis; ea nunc singulariter enumerantur, quibus Ephesij fuerunt cumulati: Ac ordine primùm diuini verbi prædicationem recenset: Nam cùm fides audita ^a concipiatur, nemo verò possit audire, nisi qui prædicet, coram adsit, prædicare porrò nemini liceat, nisi qui fuerit ad hoc legitimè ^b destinatus, tum Christi beneficio concludit, Ephesios audiendo credidisse, cuius gratia fuissent prædicatores adepti. Veritatem porrò verbum illud auditum vocat, quod eius auctor sit Christus, quod quia virtus est ^c in salutem omni credenti, semper terna scilicet bona promittēs, iam verbum salutis, ^d iam Euangelium nuncupatur: nō quod ubi Euangelij historia auditur, subito (ut vult Rollocus) in omnium animis resipiscientia & fides generetur, cùm Iudæi sua malitia excæcati, Christi concionantis verba audientes ^e nō crediderint: sed eos demùm, qui sunt ex Deo nati, in quibus Dei semen manet, ciusque Spiritu aguntur, tum propter fidem doctrinæ, tum propter mandatorum Dei obedientiam, perfectè dicimus audire. Vnde subiungit:

In quo

a Per. 1.

Luc. 3.

a Rom. 10.

b Hebr. 7.

*Ioan. 17. Sermonis
veritas
est.*

c Roman. 1.

Iacob. 1.

d Esa. 41. 52.

1. Cor. 15.

Ioan. 12.

Rom. 10.

e Ioann. 1.

1. Ioan. 3.

Rom. 8.

Luc. 11.

*In quo & credentes signati estis spiritu promissionis sancto,
qui est pignus hereditatis nostra.*

ii. Qui enim hoc modo ^a credunt, aliquo signo expere-
riuntur, vitæ melioris consuetudine, ad Dei se populum
pertinere, quando diaboli ^b carnisque illecebris gnaui-
ter elusis, diuinæ morem gesserint, magna cum suauita-
te, voluntati: Deus enim ut suos agnosceret ac notabili-
les redderet, Spiritu sancto obsignauit, quando velut si-
gillum diuinæ adoptionis Spiritus ^c sancti gratiam illis ^d Rom. 8. 5.
infudit, quæ quidem gratia, est arrabo futuræ heredita-
tis, quæ est vita æterna, Spiritus enim sancti instinctu,
facilè percipitur aliquid illius dulcedinis, quā beati sunt
habituri, quando scilicet in hac vita gustare incipiunt,
quā suavis sit ^e Dominus, quā uè dulce sit illud man-
na, quod vincentibus mundum & carnem, est præpara-
tum & propositum: Nam ^f charitas, quam dedit Deus ^g Rom. 5.
per Spiritum sanctum, imperfetta est participatio diui-
næ charitatis, quæ in patria perficietur. Atque Christianos ita constitutos, acquisitionis nomine expressit hic
Apostolus, quasi ^f Christus, ut hos ita affectos posside-
ret, non modò plurimum desudarit, sed & sanguinem
suum profuderit, ut inde Dei Patris gloria ^g latissimè ex-
tenderetur. His ita constitutis videat Rollocus, num
contrà manifestam Christi meritis iniuriam irroget,
Christi gratia acquisitos peccati iugo singens esse ob-
noxios, quasi peccati sint adhuc in ipsis iustis reliquæ,
nihil moratus, quod his, qui sunt in Christo ^h Iesu, nihil ⁱ Rom. 8.
sit damnationis: sed ea est Sectariorum pertinacia, ut se
pati nolint, doceri somitē siue procliuitatem, quæ in iu-
stis ad ^j peccandum manet, peccati labē non habere, licet ^k Genes. 6.
ad peccatum sæpè, sine tamen culpa, imò frequentissi-
mè

2. Cor. 12.

mè cum meritò etiam sanctissimos homines incitet & impellat, sicut ex stimulo carnis, qui Paulo molestiam non sine fructu afferebat, colligitur.

Propterea & ego audiens fidem vestram, quæ est in Christo Iesu, & dilectionem in omnes Sanctos, non cesso gratias age repro vobis.

12. Cùm fidei munere, charitatisq; dono nihil in vi-

*a Infrà cap. 3.**Act. 15.**Rom. 3.*

ta, vel melius, vel maius possit contingere, ^a quod per hanc Deus hominē inhabitet, eius cor purificet, & eundem sine lege iustum pronunciet, hac verò, ceu indicio certissimo probetur quispiam verus esse Christi disci-

*b Ioann. 13. In**hoc cognoscunt**omnes, quod**discipuli mei**essent, si dilexe-**risse.*

pulus, tum Ephesiis gratulatur Apostolus, ^b quod eos cœlestibus harum benedictionum opibus, sua gratias sit ita prosecutus Deus, ut Sectariorum artibus & impiis studiis, à vero suo sensu & constantia non potuerint dimoueri: nec hac gratulatione cōtentus, vehemēter eti-

*c Ioann. 20.**Hebr. 1.**d Roman. 1.**Coloss. 1.*

am à glorioso Deo, ^c qui Christi vt hominis, est Deus, & vt Dei Pater, ^d petit ipsis, tum vt scientiæ, tum vt sapientiæ etiam Spiritum elargiatur, vt in cœpto virtutis & religionis tramite progressi, nontam falsis rerum interiturarum imaginibus intendant, quam arcana illa cœlestia, æternam scilicet beatitudinem, quæ humanæ rationis ^e obtutus fugiunt, intueri possint & cognoscere.

Qui credidimus secundum operationem potestate virtutis eius, quam operatus est in Christo, suscitans illum à mortuis.

13. Sicut effecta, participatio sunt quædam causarum suarum exemplarium, sic tota nostra nō modò iustitia, sed & corporis & animæ gloria, participatio quædam sunt iustitiae & gloriæ Christi. Quos enim præsciuit Deus, ^a prædestinavit conformes fieri imaginis filij sui, vt sit ipse primogenitus in multis fratribus. Adeò vt se- cundum

*a Roman. 8.**Apocal. 1.*

cundum humanitatem, omnis creature primogenitum
vocare eum possimus, qui de eius plenitudine ^b accepi- ^{b Ioan.1.}
mus. Sicut igitur nostrae iustificationis, quæ adoptio
quædam est in Dei filios, causa exemplaris est Christus:
ita resurrectionis & gloriae etiam forma is ipse erit. Si e-
nem ^c complantati facti sumus similitudini mortis eius, ^{c Rom.8.}
simul & resurrectionis erimus. Deus enim homines &
iustificando & glorificando, filium suum velut proto-
typum operationum suarū spectat, cui assimilare ipsos
intendit, quod facit.

14. Atque id est, quod Apostolus hoc loco, signifi-
cat, quando dicit eandem potentiam, quam Deus exer-
cuit, cùm à tenebris infidelitatis, vitæque præteritæ ve-
tustate ad fidem & iustitiam Christianam Ephesios con-
uertit, non inferiorem ea potētia & virtute fuisse, quam
exercuit in Christo à mortuis suscitando, eiique donan-
do honoris æqualitatem, regni ^a consortium & potesta-
tem, qua constitutus est super omnes creaturas, non so-
lùm quæ in terra sunt & apud inferos; sed etiam quæ in
cœlis possunt vel nominari vel comprehendendi, adeò ut
nihil sit, quod Christi humanitati non sit subiectum, si-
cut subiungit ^b Patrē Christi pedibus omnia subiecisse.
Quemadmodum verò Patre filium suscitante, Christus
vt Deus seipsum etiam suscitauit: ita Deus nemini iusti-
tiam confert, qui iustitiæ suę nō fuerit cooperatus, iuxta
tritum illud ^c Augustini: *Qui creauit te sine te, non iu-* ^{c August. ser.}
stificabit te sine te. Hinc & ipse Paulus: Si Spiritus eius, postoli. ^{15. de Verbis A-}
qui suscitauit Iesum à mortuis, habitat in nobis, qui su-
scitauit Iesum à mortuis, viuificabit corpora nostra.

Et ipsum dedit caput supra omnem Ecclesiam, quæ est corpus
ipsius, & plenitudo eius, qui omnia in omnibus adimpletur.

C

15. Cùm

15. Cūm modis omnibus conetur Apostolus, & cognationem, & ynitatem nostram ad Christum, ostendere, fit euidens capitī vocē primariō secūdūm Pauli intētionē nō esse vel principatus, vel auctoritatis, sed cā vti Paulum , vt quemadmodum naturale caput in membra ita mysticum in corpus tam militantis, quām triumphantis Ecclesiae per gratiā probet influere. Quē admodum enim caput cāteris membris cōforme cūm ipsis prāsidet, tūm vires operationibus accommodatas suppeditat: ita Christus vt homo & Angelis ^a & hominibus prāest, & virtutes ac dona spiritualia elargiens, eiusdem cum cāteris hominibus est naturæ particeps, licet quoad hoc nihil cum Angelis habeat commune, nō enim Angelos, sed Abrahæ semen apprehendit. Quā res hominis dignitatem maximē amplificat. Vnde adiunxit, quod sicut caput membra, sic mēbra caput perficiunt: non enim perfectum est corpus, nisi vbi hāc sibi vñita inueniuntur. Nisi enim essemus, hic quidem pes ipsius, iste autem manus, ille verò aliud quoddā membrum, non compleretur corpus.

^a 1. Cor. 2.
Coloff. 2.
Qui est caput
omnis principe
patus.

Hebr. 2.

^a Osea 6.
Coloff. 3.

CAPVT SECUNDVM.

Et vos cūm essetis mortui delictis & peccatis vestris, in quibus aliquando ambulastis secundūm seculum mundi huius.

VT Ephesij grata animi memoria, per Christum parta beneficia assiduè recolerent, vitæ spiritualis nostræ Christum à mortuis suscitatū exemplar fuisse ostendit, significans Deum eādem virtute hominem à peccati, qua Christum à corporis morte suscitando, esse usum. Sicut enim anima à corpore ^a dissolutionem

lutionem sequitur naturæ mors: ita animæ à Deo, qui
est eius^b vita, per peccatum separationem æternus se- ^{b Ioan. 14.}
quitur interitus. Hinc est, quod mors peccatorum di-
catur alibi pessima. Et quemadmodum diuina vi, Chri-
sti^c corpori de integro vniata anima vitā attulit: ita pec- ^{c Psalm. 33.}
cati morte, peccato scilicet sublato, amissam vitam ho-
mo per gratiam recuperat. Fatemur itaque cum Rollo-
co, mortalis peccati admissione, hominem non modò
ægrotantem, sed & penitus mortuum nulla opera, quæ
vel ad salutem valeant, vel æternam beatitudinem me-
reantur, vel etiam ad gratiam proximè disponant, sine
Deicratia, præstare posse. Vbi enim, inquit Augustinus,^d Auguſt. lib.
non est dilectio^d charitatis, nullum bonum opus repu-
tatur, neque rectè bonū opus iteratur. Item si bona^e in
vſus pauperum distribuero, &c. charitatem autem non
habuero, nihil mihi prodest, inquit Paulus. At liberum
voluntatis motum sibi relictum, ita debilitatum esse, vt
nullum opus bonum, morale faltem, vt dare, v. g. ele-
mosynam, salutare proximum, &c. operari nequeat,
paulò pòst fusius infrà refutabimus, quando reddemus
rationem, cur Patres, qui omnem considerationem ad
finem supernaturalem dirigunt, pro nihilo reputant o-
pera moraliter duntaxat à peccatore facta, licet non sint
peccata, sed ex se bona.

*In quibus ambulastis secundum saeculum mundi huius, secun-
dum principem potestatis aeris huius Spiritus.*

17. Ephesiis sicut & Iudæis non solam corruptæna-
turæ ad malum propensionem, sed & prauam^a flagitio-
forum hominum consuetudinē, & Cacodæmonis mil-
le nocendi artes ad peccandum occasionem attulisse o-
stendit, Patris enim cœlestis charitas, quæ spiritualis

^a Philp. 3.—
Multi enim
ambulant quos
sepe.
^b Hierem. 2.

C 2 vita

*1. Ioann. 2. Si vitæ causa est, in eo manere non potest, cui lubrici mun-
quis diligunt mū-
dum, non est
charitas Pa-
tris in eo.*

Sap. 1.

*b Ioann. 12. 14.
Vocatur diabo-
lus princeps
lunus mundi.*

1. Petr. 5.

di illecebræ & carnis lenocinia placuerint, vnde vt ea homines cane peius & angue fugiant, sæpè Scriptura co-
hortatur, quia eiusmodi vitiis carnisque cupiditatibus deditis dominatur princeps ille, cui ^b potestas est in hac aëris caligine, vbi ad nos fallēdos, nescio quæ aërea cor-
pora effingit, quibus ceu retibus incautos illaqueat, qui se ei peccando subiecerint, sic enim irretitos tenet, vt quo voluerit nequitia & impietatis, ceu iumenta ex-
agitet & impellat, nunc enim suauius lubricæ carnis deli-
tiis obiectis blanditur; nunc diuersarum cogitationum instinctibus mentem concitat, vt non corporis mo-
dò, sed & animi viribus homo debilitatus, omnem tan-
dem salutis spem abiiciat. Atque hoc est, quod sub-
iungit:

*Qui nunc operatur in filios diffidentia, in quibus & nos om-
nes aliquando conuersari sumus in desideriis carnis nostra.*

a Tob. 21.

Tit. 3.

Rom. 8. 6.

2. Pet. 2.

*18. Non modò impij, qui Deo dixerūt, ^a recede à no-
bis, viam sciëtarum tuarum nolumus, vt qui ad fœli-
tatem non per Christum, Christique meram doctrinam
aspirat, sed & omnis generis flagitiis malitiosè sunt im-
mersi, dicuntur filij diffidentiæ, quia sicut filij sunt in pa-
tris nutu: ita illi in dæmonis potestate. Licet enim libe-
rè in peccati cœno volentur, nullam tamen habet e-
orum peccandi consuetudo rationem, cur eripi debeant
ex dæmonis manu, quemadmodum ij, qui vel ex infir-
mitate, vel ex ignorantia deliquerunt, quibus adhuc e-
mendationis spes affulget. Hinc infra monet omnes
Paulus, ne se patiantur inanibus verbis seduci, ne in
ipsos ceu diffidentiæ filios ira diuina desæuiat, quod ve-
ritatis hostibus, & ex malitia, exuta fronte, & verecun-
dia,*

dia, peccantibus, nihil sit, quod ad desperationem magis incitet.

Et eramus naturâ filij iræ, quemadmodum & cæteri.

19. Creatus est, inquit Augustinus, primus homo in natura sine culpa, creatus est rectus, non se fecit rectum, *Eccles. 7.* quid autem fecerit notum est, cadens à manu figuli, frater est. Huius, ut ita dicam, fracturæ siue corruptionis intuitu, totâ Adami progeniem communi lege ab ipso deriuatam, iræ siue vindictæ diuinæ ream nasci, afferit Paulus, propter originis labem, quam ex illa perdita massa contrahit. Vnde & natura nostra iam ægra, iam infirma, iam vulnerata dicitur, partim quod actiones vita æterna dignas amissi iustitiae originalis dono, exercere non possit, partim quod ad frequentes diuersi generis defectus sibi relicta, sit admodum proclivis.

20. Ineptè tamen hinc conficit Rolloeus, hominem originalis iustitiae fræno destitutum, hominis naturam potius exuturum, quâm desierit aliquo modo in Euangelij lucem peccare. Quasi verò Deus hominem naturalibus cognoscendi & appetendi duntaxat viribus præditum ad peccandum produxerit, cui naturæ lege, dominum aliquod supernaturale non debuit, qui hominem ut natura ^a præditum, sicut cætera, quæ fecit, diligat, nec ipsum omnino amore prosequi nō possit, quin & actiones ab eius natura profectas, & in Deum ut naturæ authorem directas bonas esse, nec in Euangelij lucem delinquare, vel inde conuincitur, quod ad bonum quâm ad malū hominis natura sit scipsa propensior, quæ nullam per peccatum virium naturalium passa est iacturam: cùm enim humanæ naturæ ad bonum rectæ rationi consentaneum, tametsi gratia & iustitia destituta incli-

a Sap. 2.

C 3 natio,

natio, iustitiæ amissione extinta non sit, non erit minus difficultè, imò facilius bona naturæ viribus breui saltem tempore, facere, quàm mala. Inde fit, quod sine bonis aliquibus operibus difficillimum esse vitam impij repe-

^b Lib. de spiritu.
^c liter. cap. 18.

^a 28. lib. 3. Hypog.
cap. 2.

Claudianus.

^a Genes. 4.

^b Ioan. 5.

Rom. 1.

21. Hominem itaq; sic constitutum non modò totam veritatis lucem amisisse, sed & in omni suo opere peccare, hæreticum est dogma, & mentem tanquam reginam cæteris animi facultatibus subinde præsidere non posse, Philosophorum optimè sentientium sententia repugnat, nisi Socrate sapientior Rollocus sapientem astris dominari non posse dicat, nec cum omnia iure tenere, Qui poterit Rex esse sui, &c. Quid quod Caino parricidæ dicat Deus: ^a Subter te erit appetitus tuus, & tu dominaberis illius. Quid quod Euangelij lumen aperuerit (id ridet Rollocus) Papistis, corruptorum morum prauitatem, fidei tenebras offundere? Iudæos enim ob ambitionem credere non potuisse ^b veritas ipsa testatur. Gloriam creatori debitam, creaturæ datam vitæ improbitati & turpitudini non obscurè ascribit Apostolus. Detinent enim vitia intellectum in errore sibi conformi, & à contraria auertunt veritatem: cùm enim ad credendum necesse sit voluntatis pium affectum sibi vim intelligendi subiicere, vt ea credat, quorum non habet necessariam probationem, quando vitia & animi affectus iis repugnant, quæ sunt fidei, impediunt ad recipientem fidem, & ad receptam deserendam impellunt.

Deus autem qui diuines est in misericordia, propter nimiam charitatem suam, qua dilexit nos, &c. coniuicauit nos Christo.

22. Diuini erga hominem amoris indicium hoc est maximum, quod ciuius, licet serui, imò hostis causa filium suum

suum vnicum dederit, vt possit viuere, ob quam libera-
litatem, spiritum (vt alibi scriptum est) ^a non ad mensu-
ram hominibus dedisse dicitur, quibus ad sui similitudi-
nem efficiens, & post lapsum sua misericordia reparatis, vt
cœlestis patrimonij hæreditatem suo tempore, adiutus
possit adire, summam potestatem fecit. Nec satis tantæ
charitatis magnitudo potest explicari, vt cùm homines ^{Ioan. 3.}
odio & pœnis acerbissimis essent digni, eos tamen dile-
xerit, & fugentes à se, in icta quasi manu apprehenderit,
quemadmodum ^b Paulus alibi insinuat: Commendat, ^b ^{Rom. 5.}
inquit, Deus charitatem suam in nobis, vt cùm inimici
essemus, Christus pro nobis mortuus est: Amoris homi-
num ab amore Dei discrimē insinuans, quod homo bo-
num rei amatæ inueniat, quo illectus ipsum amat, Deus
verò rei amabilis in re amata nullam prorsus rationem
præuidens, ipsam amando bonam efficiat, sicut Augu-
stinus in illa Pauli verba: *Dilectis à Deo, non diligentibus*
Deum notauit, quia, inquit, dilecti sunt, ideo diligibiles
fuerunt.

*Et cùm essemus mortui peccatis, conuinicauit nos Christo, cu-
ius gratia estis saluati, & corresuscitauit, & descendere.*

23. Recordatione eius beneficij, quo hominum genus
affecit Christus, quando sanguinis sui profusione pro-
meruit, vt vita spirituali anteà in peccatis mortui resti-
tueretur, vocationis nostræ spes maximè erigitur. Cùm,
inquit Apostolus, carnis cupiditatibus obcæcati, quoad
animum essemus mortui, filij sui amore pater effecit, vt
nostra conuersatio esset in cœlis, ita vt vita, affectu &
contemplatione ibi essemus, ubi est caput nostrum, vt
quemadmodum iam spiritui nostro vitam sua gratia re- ^{Rom. 8.}
stituit, nos resuscitauit, nos in cœlestibus sedere fecit, vt ^{Ioan. 12.}

osten-

Apocal. 3.

ostenderet superabundanter diuitias gratiæ suæ in bonitate: ita nos ad Christi similitudinem resuscitaturus, & sedem datus est in cœlestibus secundum corpus, ut ubi corpore & animo ipse est, illic & nos eiusdem ministri simus. Hanc vitam, spiritus habitantis in nobis, ceu causæ principalis functionem Rollocus esse ait, quæ non anima tantum; sed & animæ facultatibus ceu instrumentalibus causis & ministerio vñatur, ipsum spiritum nautam, nauim animam, quæ nihil ex se agens, solius Spiritus impulsu feratur contra apertissimas Scripturas faciens: sicut quando Spiritus dicitur hominem in omnem deducere, non portare veritatem, quo loco hominem oportere cooperari, & quod suum est, spontaneè facere, insinuat, cum Spiritus sanctus neminem nostrum impellat, nisi ex nostra parte opus nostrum accedit, sic Spiritum pro nobis interpellare, interpretantur Patres, quia modum interpellandi non tantum docet, sed & ad interpellandum obedientem dirigit, & Apostoli, sic visum esse Spiritui sancto, & nobis dicunt, & de Deo, Deduxisti populum tuum in manu Moysi & Aaron, qui sanè volentes non coactos ducebant Israëlitas in promissionis terram.

Gratiâ enim estis saluati per fidem, & hoc non ex vobis, Dei enim donum est, non ex operibus, ut ne quis gloriatur.

*Rom. 3.**1. Cor. 15.**Ezai. 60.**Rom. 8.**Luc. 8.*

24. Non solum beatos, qui salutis portum periculi vacuum sunt assecuti, sed & eos, qui iustitiam in hac mortali vita apprehenderunt, saluos Apostolus Romanus scribens, factos dicit. Eam porrò salutem, quæ peccatorum remissionem, iustitiaeque donum complectitur, sine fidei presidio consequi nemo potest. Non quod fidei merito, iustitiam siue peccatorum remissionem dari

dari Patres Orthodoxi asserant, vt ipsis imponit Rollo-
cus (hoc enim docuerunt Pelagiani, dicentes, fidem in
nobis effici nostris viribus, auditio Euangeli, & per eam
nos mereri diuinam iustitiam) sed Dei iustitiam hic &
alibi peccatoribus creditibus propter misericordiam
in Christo promissam, dari dicit Paulus: ita, vt fides in-
telligatur tantum dispositio, per quam mens cœlitus
attracta sufficienter ex Dei bonitate habetur disposita,
præparata, & tanquam apta, vt fiat ei applicatio merito-
rum Christi, & ex Christi meritis applicatis, accipiat re-
missionem peccatorum, iustitiam & gratiam, quemad-
modum insinuat Paulus, dum ait; iustificati ex fide pa-
cem habcamus: & hoc non ex nobis, Dei enim donum
est, non ex operibus. Quæ si fidei lumine cognoscuntur,
rationis humanæ obtutum excedunt (quæ enim Dei
sunt, nemo nouit, nisi spiritus Dei) ideo non modò ^ane-
cessarium esse sapientiæ donum, sed & ab altissimis esse
mittendum Spiritum sanctum, post Sapientem asserit ^b 1. Cor. 12.
^a Sap. 9.
^b Rom. 11.
1. Cor. 1.
Paulus, qui diuinæ mentis sensum aperiat & explicet,
vt homines fidei beneficium non sibi, suisque viribus
arrogent, sed Deo potius illud acceptum ferant.

25. Quare miror Rollocum sui adeò esse immemo-
rem, vt quando Dei gratiam salutis nostræ causam facit,
requirit à nobis fidei actum, hoc est, præstemus, quod
nostrarum, inquit, est partium. Quasi in nostra solius sit
potestate credere. Si enim diuinæ gratiæ intellectum il-
luminanti, credendo cooperamur, tum nos ipsos quo-
que liberum voluntatis motum elicere, & quod bonum
est facere, & non solùm à Spiritu sancto agi, sed ipsi e-
tiam cooperari statuat necesse est, sicut D. Hieronymus,
qui fidei actionem arbitrij facultate profectam, quod

D ab

ab imperio voluntatis procedat, liberam esse euincit. Verum quidem est, Deum sicut initio hominem creavit, nulla eiusdem præcedentia merita, quibus creationis suæ bonum dici comparasse posset, respexit: ita post lapsum, nulla præcedere voluisse in homine opera, quibus ipse sibi recuperatam sanitatem adscriberet: attamen inde hominem suæ vocationi respondere non posse, aut diuino amori non debere se accommodare, stultum est affirmare.

Ipsius enim sumus factura creati in Christo Iesu.

26. Quia primæ creationis præsidio, nulla homini vis inest, quâ veram consequi beatitudinem possit, ideo alterâ supra naturalem, opus fuit creaturâ quæ actiones etiam supernaturales eliceret consequendæ beatitudini idoneas, quibus ipsa iure debita, etiam responderet fœlicitas. In ^aChristo enim Iesu neque circumcisio aliquid valet, neque præputium, sed noua creatura, quam Pau-

*Greg. de Valen-
tia Metemnen-
sis lib. de diui-
nagratis.*

b *Ioan. 3.
2. Pet. 1.
Galat. 6.1.*

lus hîc facturam nuncupat. Quæ acutius considerata, nō pauca cum priore, siue naturali creatura, habet communia. Sicut enim omnium non modò actionum, sed & facultatum principium basisque est natura, quibus operationes sibi consonas elicit: ita gratiæ diuinæ donum, virium & actionum diuini ordinis est fundamentum, quo prædictus homo, iam ^bregeneratus, iam nature diuinæ consors, iam noua creatura, hîc verò factura dicitur, quæ Deum clarè, suo tempore queat intueri, quando gloriæ lumine fuerit collustrata.

27. Hanc Dei gratiam sine medio, id est, sine iustitia Christi, qua ipse iustus est, interueniente, non effici, atque adeò salutem non contingere, docet Rolloccus. Qui si gratiæ naturam, Christique iustitiam haberet perspe-
ctam,

Etiam, aliter sanè sentiret, ut qui gratiæ donum ob Christi merita hominis animæ diuinitùs re ipsa infusum esse, quo iam anima Deo ^a grata, iam sana, iam iusta diuersarum actionum intuitu, dicitur, non modò non intelligat, sed & Christi iustitia homini imputata hominem nihil alioqui iustitiæ re ipsa in se habentem, iustum nominari, nō possit explicare. Quonā enim modò Deum hominem dici posse diligere defendet, cui nihil donet, eo ipso, quo ipsum de nouo diligit, quem anteā paulò oderat, cū tamen Dei voluntas sit efficax? Quomodo charitate Dei in cordibus nostris diffusa, Spiritus sanctus nobis dicetur datus? si sola, ea quæ à nobis separatâ Christi iustitiâ, nihil nobis accedit, quo gratiæ Deo, apti ad debita Deo obsequia præstanta dicamur? sanè quando Spiritus sanctus dari dicitur homini, bona spiritualia, quorum Spiritus sanctus auctor est, intelliguntur, quæ propter Christum infusa, hominis mentē ad actiones naturæ vires excedentes, vitæque æternæ meritorias egregiè dirigant, quemadmodum apertè Scriptura pa sim facit testatum. Quando enim regni cœlestis ^b possessione compensat Deus bona opera, non Christi tantum, sed hominis etiam iustitiam remunerat. Homines enim alloquens dicet: Possidete regnum, &c. Esuriui enim & dedisti mihi manducare, sitiui, &c. Dicere potius debebat: Veni Christe, posside regnum, quia sitiui, & dedisti tibi potum, veni posside regnum, &c.

In operibus bonis, quæ preparauit nobis Deus, ut in illis ambulemus: propter quod memores estote, quod

28. Deus opera dicitur præparasse, quia ea ipsa sunt effecta prædestinationis, secundum quod ea præuisa Deus se daturum promisit. Vnde hac à nobis conditio-

D 2 ne,

ne, ait præparata, vt ea nos ipsi per arbitrij voluntatem suo tempore diuinitus adiuti impleremus, non quod Deus bonis operibus hominum præuisis, adductus sit, ipsos vt prædestinaret (quem sensum Orthodoxis affigit Rollocus) sed quia ex adultis nullum ^a prædestinat, nisi cum respectu quodam suæ diuinæ præscientiæ ad cooperationem perseverantem ipsius prædestinati, vt est ex gratiæ auxilio, & libero arbitrio, tāquam ad vnum effectum, & medium prædestinationis. Dei ^b enim adiutores sumus, sicut de se testatur Paulus: Gratia eius in me vacua non fuit, sed abundantius omnibus laborauit, non ego autem, sed gratia Dei mecum. Vnde & hic verbo A M B V L E M V S Y S U S est, partim vt Deo nos siue credendo, siue benè operando, cooperari testaretur, partim vt boni operis fructum, siue iustitiæ augmentum commendaret, quod secundam iustitiam appellatum etiam ridet impudenter Rollocus.

Quod eratis in illo tempore sine tempore, alienati à conuersione Israël, & hospites testamentorum, prom.

29. Hæc erat gentium misera conditio, priusquam Christo nomina dedissēt, quod promissionibus vero ^a Israëli factis destituti, à politia & vero populi Dei instituto essent alienissimi, nullam religionis veræ societatem, nullum sacrorum fœdus, nullam cœlestis numinis habentes notitiā: licet enim Deum, natura duce, ^b cognouissent, non tamen vt Deum glorificauerunt, sed instar pecudum suis cupiditatibus & desideriis obsecuti, hanc ita vitam decurrerūt, quasi futurorum bonorum, id est, gloriose resurrectionis & felicitatis spem nullam expectarent. Quos Ecclesiæ hostes Sectarij videntur hodie imitari,

^a Aug. lib. de
bon. perseuer.
cap. 14 lib. de
prædest. Sætor.
cap. 10.

Fuigent. lib. 1.
ad Mou. 1.
^b 1. Cor. 3. 15.

Ioan. 12.

Infrā cap. 5.
Vt filij lucis
ambulare.

Galat. 3.

^a Hierem. 2.

Actor. 23.

Qui in carne
sunt, Deo pla-
cere non pos-
sunt. Rom. 8.

^b Rom. 1.

imitari, qui Euāngelij luce cognita, procul tamē ab Ecclesiā suib[us] errantes, ceu athei licentiosam viuendi regulam pro sua libidine corrupto interim diuini verbi sensu, sibi præscribunt (in ^c passione desiderij, sicut Gentes, quæ ignorant Deum) contempta eorum pastorum auctoritate, quos Christus fidelium cœtui legitimè præfecit, cùm tamen non ignorent ipsi Deum esse nō posse Patrem, cui Ecclesia nō fuerit mater.

Vos qui aliquando eratis longè facti estis propè in sanguine Christi. Ipse enim est pax nostra, qui fecit

30. Christi sanguinis pretio liberæ filiorum Dei Reipub. insitos ciues affirmat, qui procul inde olim exulabant Ephesios: ita vt ad eam politiam iam pertineant, qnā vtitur Deus in iis ^a gubernandis, quos in peculiarē sibi populum elegerit, peccatis siquidem morte sua expiatis, quibus à Deo homines diuulsi, inter se etiam disfidentes contendebant, inimicitias Christus diremit, alteros alteris, id est, Iudæos Gentibus, & Iudæis Gētes, utrosque deniq; Deo reconcilians. Meritò proinde pax, sicut alibi salus nostra dicitur, quia quicquid vel pacis, vel salutis apud nos est reperire, auctor est Christus. Hāc pacem, Rolloce, doles apud nos non prædicari? immò noctes & dies illā religiosissimè (quam vos alioqui pertinaciter oppugnatis,) canimus, summo studio hanc salutem prædicamus, & Christi membris hoc Christi beneficium diligentissimè singulis propè momentis inculcamus. Hinc etiam euincere conatur Rollocus, Christum decidere semper de controvërsiis in religione & modo colendi Dei, quasi Christus, vbi contentio de fidei aliquo dogmate fuerit exorta, è cœlis ad terras se demittere debeat, vt Rollocos Orthodoxis reconciliet.

^c 1. Thessal. 4.

^a Ioan. 4.
Galat. 6. 6.

Ezai. 6.
Filiū tui de lō-
gē venient.
Luc. 2.
Ioann. 6. 6.

Ioan. 12. Si ex-
altatus fuero à
terra, omnia
trahā ad me.

31. Tam cæcus es, vt non intelligas Christi Spiritum,
 vsque ad sæculi ^a consummationem præesse Ecclesiæ,
 quando in Christi nomine legitimè cōgregatos, in om-
 nem semper inducit, sicut promisit ^b Christus, veritatē.
^c Apostoli orta contentione de lege cum Euāgelio ob-
 seruanda, Christi opem implorârūt quidem, at ipsi Spi-
 ritus sancti instinctu edocti concluserunt, Spiritui san-
 ctō, & sibi ita fuisse visum decernere, quam decernendi
 & iudicandi potestatem anteā acceperant, non ē cœlo
 conspicuā expe&tarunt. Paulus sibi non fidens ascendit
 non in cœlum ad Christum, sed Hierosolymam, vt cum
 Petro, Iacobo, & his, qui erant Ecclesiæ columnæ, con-
 ferret suum Euangelium, ne fortè in vanum currat, aut
 cucurrisse videatur. Sed ea est hostium Ecclesiæ super-
 bia, vt omnem Magistratui Ecclesiastico potestatem e-
 reptam velint, quò sua pro libidine, diuini & humani iu-
 ris effractis repagulis, grassari possint. Hinc est, quod
 Rolloclus lites Catholicorum & Caluinistarum ante iu-
 dicij diem iri compostum, desperet. Quid ita? Quia
 dixit ad Deum: recede à nobis, viam sciētiarum tuarum
 nolumus.

*Medium parietem maceria soluens inimicitias in carne sus-
 legem mandatorum decretis euacuans, ut duos condat.*

32. Sicut legales diuersi ritus & cultus cærimonias,
^{Ezechiel. 37.} immò circumcisionem maceriem illam (quæ Christi
 sanguine corruit) fuisse putat Patres, quæ Iudæos à Gen-
 tibus quasi vallo intericto, separabat: ita humanum Ca-
 tholicarum traditionum parietem corruere oportere
 putat Rolloclus, vt inter Christianos, qui ex solo Dei
 verbo pendent, conueniat. Quasi, Rolloce, Dei verbum
 non sint traditiones per manus ab Apostolis & Patribus
 acce-

acceptæ, quas vel ipse Paulus non minùs, quām epistolas & sermonem sæpè iubet obseruari. Nūquam nè apud Augustinum legisti, quod Euangelio nō esset fidem habiturus, nisi Ecclesiæ auctoritate fuisse commotus? Fidem & religionem Scriptura antiquorem, atq; Ecclesiam sine Scriptura posse constare insinuans. Quæ enim ab origine mundi cœpit Ecclesia, Sacramentorum ritus, leges & colendi Dei rationem & conuenientiam non in chartis aut tabulis inscripta, sed in animis cōsuetudine imbutis quasi impressa semper consummauit. Multa credit Rollocus, quæ scit sacris literis non contineri. Quæ ergo dementia ipsum cœpit, vt omnia sacris literis expressa pronunciet, quæ ad salutem sunt creditu necessaria. Nouam legem te non fugit à Christo iussam esse prædicari non scribi, &c.

2. Cor. 3.

2. Timot. 1. 2.

1. Cor. 11.

2. Thessal. 2.

1. Tim. 1. 2.

Marcii 9. 6.

*Ergo iam non estis hospites & aduenæ, sed estis ciues Sanctorū,
& domestici Dei.*

33. Fidelis populi cœtus subinde œconomiæ formam refert, quæ Patris cura administratur. Subinde status politicationem habet, cui Rex suo imperio præest. Si quæ militat, Ecclesiam, primo modo spectes, priuatis duntaxat rebus intenta, ^a domus faciem exhibit, cuius a. 1. *Timoth. 3.*
Patres post Deum, sunt Apostoli & eorum successores; Matth. 6.
si alteram formam consideras, ciuitatis imaginem ex- *Marcii 13.*
primit, cuius Spiritu sancto moderatore, summus Ec-
clesiæ pastor est caput & princeps. Ephesios itaque ra- *Matth. 16.*
tione domus, hospites, ratione ciuitatis aduenas vocat, *Luca 12.*
quasi à domo & ciuitate Dei anteà fuissent remotissimi, priusquam Christi mortis beneficio, tum Angelorum conciues, tum Prophetarum & Apostolorum munici-
pes

pes effecti, ius ad patris cœlestis h̄ereditatem promissio-
nis spe, recepissent.

*Superadificati superfundamentum Apostolorum & Prophe-
tarum.*

34. Torquet se hic Rollocus contra Pontificios, qui,
inquit, vt obtineant suum Papam, quem Petri successo-
rem appellant, fundamentum & caput esse Ecclesie, hoc
fundamentum de Apostolis & Prophetis intelligunt.
*Quid piaculi Rolloce, Christum, doctrinamque Apo-
stolorum & Prophetarum esse fundamentum, affirma-
re? Neque enim vel Prophetæ, vel Apostoli scipios præ-
dicarunt, sed Christum, adeò ut eorum accipere doctri-
nam, Christum sit etiam recipere crucifixum: Vt enim
nihil dicamus, Apostolos à Scriptura (quod Christum
annuncient) expressè fundamentum vocari, tum ipsa-
met Veritas id ipsum insinuat, quando Ecclesia sue mo-
lem Petro superstruendam esse, est contestatus, cui nec
tu, nec inferorum portæ haçtenus potuistis præualere.
*Ipsò summo angulari lapide Iesu Christo, in quo omnis ædifica-
tio constructa crescit in templum sanctum in Domino.**

35. Is est eorum, qui à veritate recesserunt, stupor, vt
principis, imique fundamenti & secundarij discrimen
capere non possint, sicut nec id intelligunt, quod &
Christus & Apostoli, diuersa tamen ratione, lux ^a alibi
mundi appellantur, cùm tamen id hic sicut alibi expri-
mat Paulus, quando in hoc ædificio lapidem angula-
rem, fundamentum & reliquam structuram connectere
ac perficere dicat Christum Iesum: quem ob firmitatem
fundamenti lapidem, ^b angularem ob vtriusque populi,
Gentium & Iudæorum coniunctionem, summum pro-
pter dignitatis celsitudinem, vocat. Dicit itaque Apo-
stolus

*Dan. 1.
Act. 4.*

*Ioan. 10.
1. Cor. 1.
Apocal. 21.
Matth. 16.*

a Matth. 5.

*D. Thomas in
hunc locum.*

*b 1. Cor. 3.
Esa. 18.*

stolus in hoc fundamento, Christo scilicet, tunc Ecclesiam construi, quando homines ad fidem fuerint conuersi, licet anima sancta suo modo, dicatur huic fundamento nixa superaedificari, quando fidei in Christum bonorum operum & virtutum spiritualium exercitationem adiunxerit, quanquam & ab Ecclesiæ primoribus dici possit hoc ædificium erigi, qui verbo & exemplo in Ecclesia, cum fructu laborant, sicut & quilibet huic basi superaedificari dici potest, quando in fide & bonis operibus incrementum sumpserit.

1. Pet. 2.

1. Cor. 3. Quisq;
videat, quo mo
do superaedifi-
cet.

Hebr. 3. Act. 6.

1. Pet. 2.

36. Purum itaque & putum est Rolloci mendacium, Pontificios præferre Ecclesiæ auctoritatem cœu fundatum, Propheticæ & Apostolicæ doctrinæ, solùm enim dicimus ex Ecclesiæ auctoritate certum argumentum sumi, vel ad libros sacros admittendos, vel ad eos repellendos, qui sacri non sunt. Cùm enim Ecclesia, cui Luc. 22.
summus pastor Christi Vicarius, & Petri successor præsidet, in fide errare non possit, tum orto de Scripturis sacrarum dissidio, ad eius tribunal hæc causa semper iam inde ab Apostolorū temporibus est reuocata, sicut exemplo esse possunt Antiocheni, qui de legalibus quæstiōnem ad Apostolorum & Seniorum Synodum retulere, cuius Synodi sententiæ latæ ita obtemperauerunt, vt nullus esset vñquam dubitandi relictus locus, quam formam temporibus succendentibus, Patrum & omnium fidelium Apostolis succendentium series semper obseruauit. Fidem Rolloce nostrā Dei verbo sic esse coniunctam volumus, vt nullum Ecclesiæ assensum firmiter sustineamus, nisi quem à Deo extitisse habeamus cognitum & firmo conceptum animo. Ita enim nobis persuasum est, Christum Ecclesiæ suæ sic perpetuò accointi-

1. Tim. 8. 1.

Act. 15.

Melchior Ca-
nus lib. 4. de
locis Theolog.
cap. 4.

E nenter

nenter adesse, & eam Spiritu sancto regere, ne quicquā profidei doctrina tradat, quod non fuerit idem Apostolis à Deo traditum.

CAPVT TERTIVM.

Huius rei gratia ego Paulus vincētus Christi Iesū, pro vobis Gentibus, si tamen audistis dispensationem.

37.

*2. Tim. 2.
Infrā cap. 4.*

SENSUS est. Mea fides, meumque studium singularare, quibus in Euangelij dispensatione apud vos sum usus, ut fidei mysteria insigniter erudit, possetis ad Christum conuerti, causa sunt, cur ego Paulus, tum Apostolus, tum Gentium Doctor in carcenis squalore detinear. Quod ipsum ideo sèpè alibi repetit, ut captiuitatis suæ occasiones omnibus constent, quæ pœnas & calamitates, quas patiebatur, gloriosas & laudabiles reddebant. Cùm enim causa, non sola pœna Martyrem efficiat, tum Christi fidem hoc ipso, quod se eius vincētum confitetur, & utilitatem Ecclesiæ, quia pro Gentibus patitur, suarum compedium causas adducit. Frustrà proinde ab hoc Pauli exemplo, solatij remedia petenda docet Rollocus suæ fidei homines, quando etiam religionis causa miserè fuerint afflitti. Esse enim

*Cypr. de Sim-
plic. Prelat.
Aug. lib. 1. con-
tra Donatistas
cap. 9. lib. de pa-
tienti. ca. 23. 26.*

(inquit Cyprianus) Martyr non potest, qui in Ecclesia non est. Ardeat licet flammis & ignibus traditus, vel obiectus bestiis animam suam ponat: non erit illa fidei corona, sed pœna perfidiæ, nec religiosæ virtutis exitus, sed desperationis interitus. Occidi talis potest, corona-ri non potest.

38. Quare quod & subiungit Rollocus, quempiam amici quam Christi nomine, libentius & facilius, immò pro

pro terrenis, quām pro cœlestibus mortem citius appetiturum, planè falsum est. Sectarij siquidem non modo fortunas, opes, liberos, sed & vitam religionis causa profundunt, quām totius mundi nomine, non essent in discrimen adducturi, quia homini natura ipsa comparauit, vt Dei quām fratri aut amici, cœlestium quām terrenorum bonorum causa pati malit, quod suo auctori, quām sui simili, plus à se deberi natura magistra experiatur, & cùm æternam beatitudinem homines appetant, facilius & promptius quis eius, quām rerum interituarum gratia vitam adducet in discrimen, & Dei quidem donum non minus esse Martyrium pati, quām credere confitemur: at fidei Martyrium non esse difficultius, tum Scripturæ, tum rationi, tum etiam naturæ repugnat.

*Quoniam secundūm reuelationem notum mihi factum esse
Sacramentum, sicut suprà scripti in breui.*

39. Scientiæ siue prudentiæ suæ dignitatē tribus conditionibus illustrem reddit, primū, quòd certa sit, vt quæ^a non humana ratione, quæ sàpè fallitur, sed diuina reuelatione nitatur, quòd deinde perfectam maturitatem sit assecuta, vt quæ de cœlestibus & diuinis rebus à Deo sit profecta, à quo est omne donū perfectum, quòd denique si Prophetarum & Patrum veteris Testamenti doctrinæ conferatur, excellentissima dignissimaque sit.

Vnde subdit:

*Quod aliis generationibus non est agnatum filiis hominum: si-
cut nunc reuelatum est sanctis Apostolis.*

40. Nullus, inquit, anteà hominum ita perspicuè mysterium Christi cognouit, sicut Apostoli & Prophetæ noui Testamenti. Quod ipsum Christus ipse videtur in-

E 2 sinuâsse,

*a Galat. 1.
2. Cor. 3.
1. Cor. 4.*

Iacob. 1.

*Matth. 11.
Luc. 10.*

Matth. 11.

sinuâsse, quando Patri gratias egit, quòd illud paruulis reuelâsse, ipsisque datum esse regni Dei mysterium cognoscere, dixit. Quare & beatos eorum oculos prædicabat, quòd ea videre meruissent, quæ aliis fuerant abscondita. Licet enim veteris Testamenti Patres, vt Abraham, Isaias, &c. de viso Christi mysterio sint aliquando plurimùm gauisi, id tamen discriminis intercedit. quòd illi generaliorem & obscuriorem: hi clariorem & singulariorem cognitionem acceperint. Patribus enim veteris Testamenti multifariè, multisque modis, id est, iam per Angelos, iam per obscuras rerum similitudines & somnia, olim locutus est Deus: at vnigenitus Filius, qui est in sinu Patris, non in figuris & ænigmatibus, sed reuelata facie, suam gloriam speculantibus Apostolis, reuelauit, quia huius mysterij cùm executores, tûm dispensatores erant constituendi, & ideo maiore & copiose etiam doctrina indiguerunt.

*Luc. 8. 10.**Ioan. 8.**Ioél. 2.**Jonas 1. 4.*

Gentes esse cohæredes, & concorporales, & comparticipes promissionis eius in Christo Iesu per Euangelium.

*Rom. 15.**Ioan. 1.*

41. Hoc maximè veteres Testamenti Patres dicit latuisse: Gentes scilicet non solum hæreditatis Iudaicæ genti promissæ factas esse participes, sed etiam in populi Dei œconomiam, gratiæq; diuinæ communicationem fore sine legis obseruantia admittendas. Quod ipsum in ea, quæ ad Romanos scripta est, etiā videtur insinuâsse, quando Christum fuisse ministrum Circumcisionis propter veritatem Dei ad confirmandas promissiones Patrū dicit: Gentes super misericordia honorare Deum affirmans. Quæ omnia Gentes non per Moysen, sed in Christo sunt consecutæ, lex enim per Moysen data est, gratia & veritas per Iesum Christum, nec per impletionem

nem legis, quia fuit iugum, quod nullus portare potuit,
sed per Euangelium. Notum, inquit, vobis facio Euangeliū, &c. quod & accepistis, in quo & statis, per quod
& saluamini.

*Aet. 15.
1. Cor. 15.*

*C*ausus factus sum ego minister secundum donum gratiae Dei,
quae data est mihi secundum operationem virtutis,

42. Sicut donum gratiae (quae à Scholæ Theologis faciens gratum vocatur) ad proprię salutis operationē minime est sufficiens, si actualia, ut ipsi loquuntur, auxilia desint: ita munus gratiae, quo ad aliorum utilitatem vtitur homo, nisi efficaciter intus mouente Spiritu, est infirmum. Accepta enim gratia inutilis est ad exercitium, nisi per Spiritum sanctum semel acceptum moueat quis ad operationem. Atque hoc est, quod Paulus dicit, se nec implere, nec exequi ministerium sibi commissum, quasi vel à se, vel suum proprium, sed ut Dei, vel ut à Deo.

*Impius Cag-
phas propheta-
tavit.
Ioan. 11.*

Mihi enim omnium Sanctorum minimo, data est gratia hæc:

In Gentibus euangelizare inuestigabiles dinitias

43. Præteritæ vitæ suæ statum præsenti maximi ponderis, legationi, quâ fungitur, comparans Apostolus, exaggerat Dei incōparabilem erga se bonitatem, quod nihil maius dici singique possit, quam acerrimum Christi hostem èò prouehi, ad eamque dignitatem peruenire, ut misericordiæ diuinæ magnitudinem, quae vel intelligi vel peruestigari humana acie non potest, nō modò ad Iudæorum, sed ^a & ad Gentium salutem mittatur tum prædicandam, tum euangelizandam. Cuius exemplo monentur Ecclesiarum Rectores, ut propriæ infirmitatis semper cōscij, de suis donis ipsi potius Deo gratias agant, quam extollātur, quod Ecclesiasticæ functio-

1. Cor. 4.

a Actor. 9.

1. Cor. 4.15.

Galat. 2.

Esaie 33.

b Eccles. 19.

nis vtilitas ministri demissionem ferè semper spectare
debeat. Et quia est,^b qui se nequiter humiliat, Rollocus
alios ex suo sortassè fingens ingenio, simulatæ humili-
tis insimulat Pontificem, qui seruum se seruorum Dei
appellat, cùm tamen præter tyrannidem & dominium,
inquit, nihil cogitet.

44. Sic Magistratui Ecclesiastico apud politicos prin-
cipes inuidiam parari posse nouit Rollocus, ut Pontifi-
cis & Episcoporū iugum excutiant, qui aliâs, reprehen-
siones à subditis non ferant, & superiorum legibus vi-
uere detrectent. Et sanè Rollocum in vtriusque Testa-
menti pagina non mediocriter versatum, miror non a-
nimaduertisse tum ordinarios Sacerdotes, tū Prophe-
tas extraordinarios à Deo semper fuisse missos, qui Re-
ges ad superbiam & licentiam proclives in officio reti-
nerent. Iam enim Saulem diuinæ legis præuaricatorem
pronunciata sentētia regia dignitate exuit Samuel. Iam
Ieroboamo Propheta suæ posteritatis sempiternum exi-
tium denunciat. Osiæ restitit Azarias, cùm aliis Sacer-
dotibus viris fortissimis: Athaliae cæde & sanguine re-
pleuit Ioiada summus Sacerdos templi atrium. Petrus,
qui vilissimus anteà pescator fuerat, iam factus Ecclesiæ
summus Pastor, sacrilegium & mendacium Ananiæ &
Saphiræ morte mulctauit. Paulus excœcauit Elymam
magum; Virum in Ecclesia Corinthiaca insigniorem
propter incæstum excommunicauit, hoc est, non tan-
tum spirituali pœna affecit, verùm etiam Satanæ tradi-
dit in interitum carnis, ut caro & corpus eius variis tor-
mentis conficeretur. Sed hæc Gnatoni principum suffi-
cient, qui & suum ministerium ab huius mundi homi-
nibus contemni deplorat.

1. Reg. 10. 15.**16. 22.****3. Reg. 14.****2. Paral. 26.****Aster 5. 13.****1. Cor. 4. 5.****1. Timoth. 1.****VI**

Vt innotescat principatibus & potestatibus in cœlestibus per Ecclesiam multiformis sapientia Dei.

45. In lucem proferendæ sapientiæ diuinæ miram varietatem prædicationis Paulinæ scopum fuisse ex hoc loco cognoscimus: Quæ in eo maximè sita est, vt non modo homines, sed & Angeli intelligent, Deum per res mundo abiectissimas, per crucem scilicet, humanum genus redemisse, Gentes in suam gratiam vocatas salvasse, & ad id piscatorum ministerio fuisse usum, vt quæque fortia confunderet, & non gloriaretur omnis caro in conspectu eius. Cùm enim ab initio Deus omnia sapientissimè disposuisset, mundus autem in illa Dei sapientia non profecisset, sed potius periisset, alium modum excogitauit. Stultitiam^a induit, & infirmitatem, a Philip. 3. quibus & sapientiam & virtutem in mundum inuehet. Non quòd Angeli huius sapientia diuinæ multiplicem modum ignorarent, quem Apostolorum prædicatione fuisse ipsos necesse erudiri (verbum enim immediate, in quo omnia reluent, semper conspiciunt) sed quòd experientia ipso cognouerint, illud mysterium credi ab hominibus, & habere apud eos suum progressum, secundùm quod in suis effectibus extrinsecus explicantur. Et hoc

Secundum præfinitionem sæculorum, quam fecit in Christo Iesu Domino nostro.

46. Manifestæ huius sapientiæ certa tempora sic à Deo fuere præfinita, vt fluere vellet aliquot secula, priusquam hæc arcana in omnium oculis & conspectu esse inciperent. Voluit enim anteà videri mundum neglexisse, quem sub densis suis tenebris & diaboli iugo, totum, paucis exceptis, passus est detineri, donec tempus,

quod

Ioan. 1. 1.

Hebr. 1.

1. Cor. 1. 2.

quod proposuerat, per Christum patefaceret. Ex quibus, Euangelij luce, nihil esse vel clarius, vel lucidius colligens Rollocus, reuelationem (Scripturæ explicacionem intelligo) è cœlo petendam non esse putat. Si tam clarum est Dei Verbum , Scrutari ^a Scripturas, cur veritas iubet? cur post resurrectionem dubitantibus discipulis Scripturæ sensum & oculos aperit? cur Eunuchum Esaiam non intelligentem , docet Philippus ? cur Apostoli subortis de fide controversiis è cœlo Spiritus opera implorant? Verum est, inquit, nemini obscurum esse Dei verbum , nisi cui oculus Dei, Spiritus scilicet sanctus deest, quasi vero Caiphas sceleratissimus Pontifex non prophetarit, quasi diabolus non credat & contremiscat, quasi Scribæ & Pharisæi Moysi cathedram occupantes legem ignorent. Sicut enim Solis splendore boni & mali irradiantur: ita & Catholici à Scriptura veritatis, & Caluinistæ hæreseos, & cacodæmones nequitia suæ à Scriptura sensum certa præsidia petunt.

In quo habemus fiduciam & accessum in confidentia, per fidem eius. Propter quod peto, ne deficiatis in tribulationibus.

47. Confidentia, cuius principium & origo est fides in Christum, eum animum addit homini, ut gratia & auctoritate, qua Christus pollet apud ^a Patrem, fretus, de Dei erga se bonitate & amore sibi plurimum possit polliceri. Quando enim conscientia quempiam non reprehendit, tum liberè & expeditè accessum, mediante Christo , habet ad Deum, ut ab eo aliquid impetreret, credendo , Deum posse facere, quæ petit, & sperando, si ex sua parte non defuerit , quod necessarium est , facturum Deum, quæ petuntur, non sibi, sed ipsi fidens, quomodo ad Deum docuit etiam accedere Iacobus, quando dixit:

Postulet

^a Matth. 22.
Marc. 12.
Luc. 8. &c.
Act. 8.
Act. 15.

Ioan. 11.
Iacob. 2.
Matth. 23.

^a Hebr. 4.
Rom. 5.
Hierem. 3.
Iacob. 1.

Postulet autem in fide nihil hæsitans. Quod, si Rollocus animaduerteret, non ita liberè vacillantem ac dubitatem Papistarum conscientiam reprehenderet, qui quoniam à Paulo edicti sunt, se ignorare, quid petere debeant, nisi Spiritus ^b sancti documento fuerint viam & rationem petēdi erudit, & certò nesciant, amorene, an odio sint digni, ut qui & Spiritus, an ex Deo, vel aliunde sint, non semper habent compertum; ideo sua ex parte semper esse possunt patidi, licet de Dei potentia & benignitate non dubitent. Valeat itaque Rollocus præsumptionem Papisticam, vel potius verecundiam Catholicorum irridens, qui impudenter suam nimis libertatem iactat.

Huius rei gratia, flecto genua mea ad Patrem Domini nostri Iesu Christi, in quo omnis paternitas in cœlis.

48. Orationis studium Paulo fuisse admodum familiare, tum ex aliis, tum ex hac epistola potissimum conficitur, qui, ut & amoris vim, & officij sui firmitudinem erga Ephesios declareret, summa animi demissione à Deo ipsis hanc constantiam supplici corporis & animi gestu (quam ceu cærimoniam, miror, etiam à Rolloco laudari) implorare nititur, ne propter suas calamitates animo deiificantur, sed potius maximæ laudi sibi ducant, quod eo apud Deum sunt loco, ut sibi charissimos suos Apostolos patiatur sua causa Deus affligi. Deum hic auctorem & Patrem vocat Apostolus, vnde genus & originem trahunt, tam spiritus in cœlis, quam homines in terris, tam qui in hoc sæculo clari degunt, quam qui sunt futuram vitam victuri.

49. Huius Paulinæ precationis ad impetrandam in gratia perseverantiam præsidio, erectus Rollocus, hære-

F seos

^b Rom. 8.
Eccles. 9.
1. Ioan. 4.

Seos labe notat (licet calumniosè) Orthodoxos quasi perseuerantiam suo merito tribuant, dicantq; Deum in nobis causam inuenire, quâ moueatur , vt nos cōuersos seruet. Sed more suo falsi crimē, vel ex eo fit perspicuum ipsis affingere, q̄ apertè Concilium Tridentinū nuper decreuerit, iustum longo tempore ad finem vsque vitæ perseuerare in gratia non posse , nisi actualibus auxiliis, missisque diuinitus adiumentis, de nouo ac s̄aepius col-

Matth.5.27. latis fuerit adiutus. Quorsum enim iubet orare Christus, ne inducamur in temptationem? cur toties ad vigilias & orationes inuitat? Nouimus enim, nisi Dominus custodierit ciuitatem, frustrà vigilare, qui custodit eam, & cum longo temporis spacio varia incident, quibus hominis affectus, tum carnis stimulis, tum mundi lenociniis, tum insidiis diaboli facile de suo statu potest deiici, debet continuò diuinis præsidiis fulciri, auxiliis è cœlo missis tum excitari, tum adiuuari, vt quando stat, non cadat, sed in finem perseuerando, saluus fiat.

Vt det vobis secundūm diuitias gloriæ sue , virtutem corroborari per Spiritum eius in interiori homine, Christum
50. Primum est, quod precibus à Deo nititur impretrare ipsis Ephesiis Paulus, vt postquam Christum prædicatum iam receperunt, ac eius doctrinam amplexi mente & affectu fucrint, Christus in ipsorum animis ita inhæreat, vt in iis operetur, eosq; effectus faciat, vt continentiam eius operationem, promotionem, ac tutelam consentiant & experiantur. Dicitur enim Christus alicuius iusti cor inhabitare, siue ² mansionem facere apud eum, quando inuisibiliter ad eum per dona gratiæ infusa cum Trinitate tota venit. Vnde alibi s̄aepè hortatur Christus, per sermonem suum iam purgatos discipulos, vt inse-

a. Ioan.14.

2003

per

per fidem & dilectionem manent, quod per suam gratiam & Spiritum ipsos velit etiam inhabitare. Viderit proinde Rollocus, quām benē somnient Papistæ de fide. Id scilicet, quod ipsa veritas à fidelibus populis requirit, ut omni studio & diligentia in eam curam incumbant, quō Christus in ipsis maneat, & Christus cum ipsis; ipsorum verò cum Christo vno iugiter perseveret.

51. Manent quidem in Christo fideles peccatores per fidem, sed ut palmites infrugiferi. Qui dicit se in ipso manere, debet, sicut ipse ambulauit, & ipse ambulare, quod ipsi non faciunt: at manent iusti per fidem & dilectionem, ut palmites fæcundi, centuplum fructum affrentes: Qui priori modo manent in Christo, in eo Christus absolutè non manet; qui postremo, in eo Christus manet, ac in eo radicatur & fundatur: Omnis autem, qui in ipso manet, non peccat, sed ope Domini ad virtutis viam magno conatu percurrentam solet incitari.

52. Sihuiusconiunctionisformam haberet Rollocus perspectam, desineret nescio quid monstri alere, quærendo ex Catholicis, cur monstrum corporalis coniunctionis Christi & nostri quærunt. Vbi dupliciter hallucinatur: primū, fidem duntaxat, quæ scilicet per charitatem non operetur Christi & hominis glutinum fingendo: corporis deniq; & sanguinis Christi mysterium, quo hominum fides fulcitur, spes erigitur, & charitas mirum in modum accenditur, impiè couellendo, cùm tamen nihil sit, quod æquè hominem Christo coniungat, quām hæ cœlestes dapes. Sed ea est hominis insci-
Ioan. 6.
tia, ut diuersos modos, quibus sanctis hominibus Christus est cibus, non percipiat. Annè Rolloce cibus anime
1. Cor. 11.
Christus est, quando eius virtus in nobis operatur in-

F 2 fun-

fundendo gratiam, remittendo peccata, & impertiendo Spiritum, siue quantum ad principium, siue quantum ad incrementum. Sicut corporalis cibus corpora: ita Christus sua virtute animam reficit, confortat, recreat, immo per peccatum spiritualiter mortuis vitam restituit. Sed tamen inde non conficies, non modo secundum virtutem, sed etiam re ipsa modo ineffabili, sub panis & vini speciebus secundum substantiam suam, ipsum Christum nobis non communicari, quando scilicet panis dicitur, quia non solum animam secundum suam virtutem reficit, sed etiam secundum substantiam nobis communicatur sub veri panis speciebus contentam, qui duo manducandi modi separatim ita debent considerari, ut posterior sine priore non prospicit.

Vt possitis comprehendere cum omnibus sanctis, que sit latitudo, & longitudo, & sublimitas, & profundum, scire etiam

53. His, generatim conatur Apostolus explicare magnitudinem mysterij, quod pro nobis per Christum est dispensatum, quod in eo maximè versatur, ut homines in fide radicati & fundati in meditatione diuinitatis & humanitatis Christi semper occupentur. Et quia quicquid est in redemptionis humanæ, verbique incarnati Sacramento, opus est charitatis: ideo scire charitatem Christi, est omnia mysteria incarnationis cognoscere, quæ ex immensa Dei charitate processerunt: quæ quidem charitas omnem intellectum creatum & omnem scientiam excedit. Paulus vero charitatis nostræ perfectionem attendens, hanc à nobis fidei firmitudinem & constantiam requirit, ut cum omnibus sanctis possimus intelligendo consequi, quæ sit latitudo, & extendatur charitas nostra usque ad inimicos, quæ longitudo, quæ scilicet

*Job. 11.
Eccles. 7.
Philip. 3.*

*1. Cor. 15.
Rom. 5.*

scilicet nunquam deficiat, quæ sublimitas, ut Deus propter seipsum diligatur, & quæ profunditas, quia consiliorum Dei profunditas, qua vtitur in hominis prædestinatione, penetrari non potest. Et hanc charitatem humano spiritu ac modulo nos metiri mentitur Rollocus, qui ad hoc, vt penetrare eam charitatem possimus, actas in fide profundius cum Paulo requirimus radices, quia frustrà à Deo hanc gratiam impetrare niteretur Apostolus, si in nostra essent solum potestate abyssi profunditates diuinarum rerum dimetiri: sed enitendo dicimur Dei charitatem Christi cognoscere, vt quanto Deus magis fuerit cognitus, tanto & magis diligatur.

54. Et quia Christus non sine causa crucem, quam a-
liud mortis instrumentum magis elegit, vt charitatis magnitudinem exprimeret: ideo dicunt Patres, per latitudinem crucis, transuersum lignum, per sublimitatem, ligni partem, vbi erat titulus, per longitudinem, ligni partem à transuerso usque ad terram, per profundita-
tem, que latet sub terra intelligi, ita quod hoc signo per-
fectionem Christianam indagari voluerit, Patris sapien-
tia, quando per profundum, fidem, per sublime, spem,
per latitudinem, charitatem, per longitudinem, perse-
uerantiam significari voluit.

C A P V T Q V A R T V M.

Obsecro itaque ego vincetus in Domino, ut dignè ambuletis
vocatione, quia vocati estis, cum omni humilitate.

Sicut vitæ naturalis in homine principium, &
basis omnium tum facultatum, tum actionum
est substantia; ita spiritualis, ut supra insinuaui-

F 3 mus,

55.

August. ep. 120.

cap. 26.

Irenaeus lib. 5.

Grégor. Nyss.

orat. 1. de Re-

surrect.

August. epist.

119. 120.

Hieronym.

Theophil. in

hunc locum.

*Ioan. 7. Sicut
tes venite ad
aqua.*

mus, est gratia, à qua diuersi ordinis virtutes oriuntur, quibus aliquis nouum iam hominem indutus, suprana-
turæ vires æternæ vitæ meritorias actiones operatur. Cu-
ius effecta gratiæ, Christus ipse clariùs expressit, quando
cos omnes inuitauit, qui summū bonum, & suam perfe-
ctionem desiderant & quærunt, vt veniant ad eum per
fidem, promittens eis tale bonum, ac tantum, vt non
ipsis solùm sufficiat, sed vt in alios etiam possint deriuare.
His ergò donorum spiritualium opibus à Deo per
Christum dicatos Ephesios, hortatur Paulus, vt dono-
rum, vocationisq; suæ dignam vitam agere, ac inter suos
ciues ac domesticos in sanctitate & iustitia versari ve-
lent. Quod frustrà ab ipsis, Rolloce, exigeret, si ita com-
parari non possent & institui, vt ad præmium, tua ex sen-
tentia, ambulare nequirent.

56. Nequiter proinde Iusticiarios ad resipiscentiam
inuitas, quasi suæ vel prædestinationis vel vocationis
causam, suis meritis aut operibus arrogarent, qui gratiæ
diuinæ, initium suæ iustitiæ grata semper memoria ad-
scribunt. Verendum tamen est, ne malam gratiam apud
tuos in eas, quando ea te reuerentia seruorum Dei vin-
cula, in quibus hîc gloriatur Apostolus, ex osculariia citi-
tas, vt principum purpuris & diadematibus, longis ea
interuallis præferenda censeas. Id si ita est, cur auri & ar-
gèti thecas, vasa, ac ornamenta singulari opere & artifi-
cio fabricata, quibus eæ catenæ continebantur, ipsis
non modò vinculis, sed & ipsis ossibus & cineribus San-
ctorū exustis, direpta, in prophanos usus sacrilegè con-
uertenda esse passim docetis?

*Solliciti seruare unitatem Spiritus in vinculo pacis, Vnum cor-
pus, & unus Spiritus, sicut vocati estis in una.*

57. Mo-

57. Monitionis suæ scopum esse animorum coniunctionem, quæ vinculo pacis & charitatis constringatur, exponit, ut quemadmodū in homine plurima multuo sibi membra compaginata seruiunt; ita multi fideles vnum in Christo corpus esse velint, spiritualem consensum fidei, spei, & charitatis arctissimè retinentes: cùm enim à Deo omnis gratiæ, Vocati sint omnes in æternam gloriam suam, quæ commune omnibus est cōstitutum præmium, idè simul omnes in unitate Spiritus incidere simul laborare, ac mutuis se officiis prosequi debent.

Vnus Dominus, una fides, vnum baptisma. Vnus Deus & Pater omnium, qui super omnes, & per omnia, & in

58. Si, quam Paulus hīc desiderat harmoniæ Ecclesiasticæ nostræ unitatem accuratius aduerteret Rollocus, societatis & pacis perturbatorum esse minister desineret, quos hic cœn seditiosos, officij, licet parū sapienter, commonefacit. Unitatis seruandæ formam tribus vinculis exprimit: primū, unitate principij, Dei scilicet vocantis; unitate nempe vitæ æternæ, quam sperant, & quam vocati sunt Ecclesiæ ciues; unitate deniq; mediorum, per quæ ipsis ad illam contendendum est, scilicet fidei, baptismi, & reliquorum Sacramentorum, quorum quasi ianua est baptismus. Quemadmodum enim *Ioan. 3.* ciui Reipub. ciues dici non possunt, qui communibus *Marcii 16.* legibus sub uno Magistratu, communis boni causa non viuunt: ita ad Ecclesiam non pertinent, qui nō eundem Ducem, nempe Christum sequuntur, eiusdem leges, fidem nimirum, non profitentur, idem bonum, beatitudinem videlicet vnam non expectant. Cuiusmodi credentes primitiæ Ecclesiæ depingit Lucas, dicens, *co-* *Achor. 10.*

rum

rum cor, fuisse unum, animam unam. Ita multos vocat
 vnum Apostolus, qui unum panem comedunt, & unum
 corpus, qui calicem eundem participant, Lutheranis
 iure insultat Rollocus, qui fidem hoc loco fiduciam in-
 terpretantur, cum dicat Paulus, unam esse fidem, id est,
 omnes idem iuberi credere, & eodem modo operari,
 quia unum & idem est, quod a fidelibus debet credi;
 quae ratio est, cur fides Catholica vocetur; Quod ipsum
 a Corinthiis exigebat Apostolus, petens, ut idem sen-
 tirent omnes, nec inter ipsos essent vel dissensiones vel
 schismata.

*Vnicuique autem nostrum data est gratia secundum mensuram
 donationis Christi. Propter quod dicit: Ascendens in altum*

59 Licet fideles in hoc omnes conspirent, quod eis
 unus sit Deus, una fides, &c. habent tamen singuli do-
 nationes secundum gratiam, quae data est eis, differen-
 tes eum, quod cuilibet de sua gratiae plenitudine Christus
 emetriatur & diuidat secundum propriam virtutem, ut
 sicut in eius potestate est largiri vel non largiri: ita tan-
 tum vel minus dare, ad eius voluntatem pertineat. Om-
 nis siquidem gratia & spirituale donum fidelibus tam
 ad priuatam, quam ad proximorum utilitatem data, a
 Christo, ut a fonte semper dimanarent, quia ipse est, qui
 omnibus ante & post se hominibus suo aduentu, om-
 nem a Deo benedictionem obtinuit, sicut principio ex-
 plicuimus, quod & Regij vatis auctoritate confirmat
 hoc loco Apostolus, victoriam aduersus Syros olim ha-
 bitam Christi victoriae typum fuisse insinuans, nem-
 pe Christum a terra exaltatum omnia ad se attracta, id
 est, beatas Sanctorum animas in cœlum secum victo-
 rem abduxisse.

Quod

1. Cor. 10.

1. Cor. 3.

Math. 25.

1. Cor. 3.

Rom. 12.

Ioan. 1.

Sap. cap. 1.

Psal. 67.

2. Reg. 18.

Ioan. 12.

*Quod autem ascendit, quid est, nisi quia & descendit primum
in inferiores partes terrae? Qui descendit, ipse est.*

66. De cœlo Christum descendisse nō est aliud, quām
Deum, qui in cœlo est, hominem ex purissimis sangu-
nibus virginis Matris Spiritu sancto cooperante, esse
factum: solius enim diuinæ naturæ ratione non descen-
dit, cùm ubique sit, ratione verò humanæ non descen-
dit, quia non erat in cœlo, secundūm quam dicitur hic ^{Ioan. 3:}
ascendere, nam vt Deus præpotenti diuinitatis virtute
in cœlos ascendit, & vt homo. Quamuis enim naturali
virtute id fieri non potuerit, tamen virtus illa, qua bea-
ta C H R I S T I anima prædita erat, corpus, vt libuit, mo-
uere potuit, corpus verò quod iam gloriam adeptum
erat, mouentis animæ imperio facile parebat. Ideò,
inquit Paulus, ascendit C H R I S T V S: quia ipse primò ^{Catech. Rom.}
descenderat, factus mortalis vt ascenderet immorta-
lis: aliter enim ascendere non potuisset, exinanuit e-
nim semetipsum, formam serui accipiens, & habitu in-
uentus est vt homo, propter quod datum est ei nomen, ^{Philip. 2:}
quod est super omne nomen, neque enim ascensu ma-
teriales cœlos tantum, verùm etiam omnem creatu-
ram superauit. Ut quemadmodum non in hunc tan-
tum inferiorem orbem, sed in ima terræ loca descen-
dendo penetrarat: ita summa ac media quæque occu-
pans omnia compleret.

61. Christo enim mortuo eius anima ad inferos, id
est, ad ea receptacula descendit, in quibus animæ San-
ctorum antè Christi aduentum excipiebantur, ibique
sine ullo doloris sensu beata redemptionis spe susten-
tatæ, quieta habitatione fruebantur. Quod licet impiè
rideat Rollocus, Scripturæ tamen auctoritas, & Apo-

G stolica

Psalm. 15.

stolica traditio ipsam confirmant. Quid enim Dauidis testimonio clarius: Non derelinques animam meam in inferno: quo fit euidens, Christi animam non sic ad inferos descendisse, eius ut vis & virtus eò tantum penetrarint, sed omnino credendum est, eum re & præsentia descendisse, ut educeret Vinctos, de loco, in quo non est aqua, & omnes illuminaret, qui timent Dominum.

Et ipse dedit quosdam quidem Apostolos, quosdam autem Prophetas, alios vero Euangelistas, alios autem

62. Cæcutit hoc loco Rollocus, qui donorum nomine, diuersi status, variaeque dignitatis munera Ecclesiæ constituendæ collata, vel non intelligens, vel ministrorum Ecclesiæ hierarchiam non cernens, quas nescio functiones & officiorum efficacium dona, in medium adducit: quasi legitimè ab Ecclesia vocati Pastores & Doctores non sint existimandi, qui donis internæ gratiæ caruerint, ac procluitatis ad bonum sensum se re ipsa vocatos non esse fuerint experti. Pauperum vero curam diuersi ordinis sacri dignitatem constituens, que Diaconos efficiat, facile commonstrat, quantum à SS. Patrum sententia discesserit, qui Diaconorum ordinem non ad solam solitudinem indigentiam: sed & ad Sacramentorum dispensationem, & ad doctrinæ Christianæ explicationem semper reuocârunt, licet interim temporalium, piam curam ipsos etiam administrâsse, non eant inficias. Sed & vocationis ordinariæ, ab extra ordinaria fictum ab ipso discrimen, adeò monstruosum est, ut dispensationis Christi Sacramentum penitus evicerere videatur. Ideò enim Christus, inquit, venit in hunc mundum, quod esset perditus Ecclesiæ status, & quod

quod non modò Gentium, sed & Iudæorum res essent deploratae, vt ordinarios ministros redigeret in ordinē: ita extra ordinem Apostoli vocati sunt, qui perturbatissimam rerum omnium faciem renouarent, & postremis temporibus, Hussus, Lutherus, Zwinglius sunt extraordinariè vocati, qui tyrannidem Antichristi coercent.

63. Quasi verò Christus, vt Reipub. Iudaicæ ruinas refarciret, carnem assumpserit, non autem potius, vt nouam Christianorum Ecclesiam constituens, ordinarios eiusdem moderatores eligendo, formam in posterum vocandi Pastores & Doctores inchoasset & exhibuisset, sicut hic apertè confirmat Apostolus, quando disparest tum officio, tum gradus auctoritate ministros Ecclesiæ datos fuisse contestatur. Idem enim munus, quod à Patre acceperat Christus, dedit Apostolis, quos ita suos Matth. 28.16.
Ioan. 10. Vicarios instituit, vt qua auctoritate à Patre missus fuerat, cùdem & ipsi mitterentur, ac tum alios etiam mitterent, nō ad prædicandum modò, sed & ad gubernandum, & ad dirigendum mundum, in viam salutis & veritatis. Neque enim hoc munus quisquam exercere iam inde ab ipso Christo usque ad diem hodiernum potuit, nisi diuina missus esset auctoritate. Iuxta quod ad Hebr. 5. Hebreos scriptum est: Nemo sibi sumat honorem, nisi vocatus. Vnde potestatem hanc Apostolis conferendo, exteriori flatus cærimonia Spiritum sanctum iis tum ad instructionem, tum ad perfectionem impertiit, qui Spiritus in tota legitimè vocatorum posteritate semper permansit, quo destituti sunt omnes, qui Reipub. Matth. 28.23.
1. Tim. 6.
Rom. 10.
1. Cor. 10. Apostolicæ ciues non fuerint insiti. Cùm enim, vt inquit Augustinus, inspiratio illa, de qua illic agit Dominus,

G 2 nus,

nus, gratia quædam fuerit, quæ per traditionem potestatis infunditur ordinatis, tum ubi potestas ordinationis nō est, nec ibi gratiæ collatio erit. Vnde fit perspicuum, in Ecclesia hanc solam residere, quæ columna est & firmamentum veritatis.

64. Quemadmodum vero Apostoli duodecim, qui gradu & dignitate septuaginta duobus præirent, sunt electi: ita qui iis successerunt Episcopos à Presbyteris dignitatis gradu semper fuisse diuersos, tum Scripturæ auctoritas, tum Patrum consensus, tum Ecclesiæ consuetudo semper comprobârunt. Nisi enim distincti fuissent horum ordinum gradus, Timotheus à Paulo non prohiberetur aduersus presbyterum accipere accusationem sine duobus vel tribus testibus, nec Titus fuisset iussus per ciuitates constituere presbyteros, nec Matthias antè discipulus, nouo ritu Apostolorum collegio annumerandus, debuisset ordinari. Ex quibus splendidè mentiri Rollocum fit perspicuum, quando Presbytero & Episcopo parem à Scriptura tribui auctoritatem configit. Qua etiam impudentia ministeriale in Ecclesia constitutum esse caput negat, propter quod eius hinc à Paulo, inquit, nulla fiat mentione.

65. Sed nō intelligit, quod etsi potestas in vniuersam Ecclesiam ordinaria data sit Petro, extraordinaria tamen & delegata aliis etiam Apostolis initio Ecclesiæ data fuerit, qui ubique poterant prædicare, baptizare, ordinare, ut fides eò citius toto terrarū orbe posset extendi, ipsis tamē Apostolis mortuis, Apostolicā auctoritatem in solo Petri successore ordinariā permanisse, ex eo fieri cūdens, quod nullus vñquā Episcopus omnium Ecclesiarum

Luc. 6.

1. Cor. 12.

Luc. 21.

1. Tim. 5.

Act. 2.

2. Cor. 12.

1. Cor. 12.

Matth. 16.

Ioan. 3.6.

fiarum sollicitudinem habuerit, sicut solus Christi Vi-
carius, & Petri, cui claves promissæ, oves commissæ fue-
runt, successor. Quo etiam conuincitur, Rolloci com-
mentum esse falsum, afferentis politici regiminis caput
à Deo hominem esse constitutum, Ecclesiæ verò solum
moderatorem esse Christum. Quasi verò Ecclesia mili-
tans, quæ visibilis est, visibili capite non indigeat, quod
absente corporaliter Christo, præsit, vt visibilem hanc
Ecclesiam in unitate fidei, doctrinæ, morumque conti-
neat. Quò cœlum consensurus spectasse videtur Sal-
uator, quando promissam antea gubernationem tum
Prælatorum, tum subditorum, tum inferiorum, tum su-
periorum sub ouium & agnorum nomine vni Petro
commissam voluit, quam eius successores per manus si-
bi iure semper vendicârunt, vi promissionis & commis-
sionis à Christo ipsi Petro factæ.

Ioan. 8.1.

66. Quos verò cœcorum duces commemorat h̄ic *Ioan. 10.*
Rollocus, fures & latrones fuisse constat, quod nec per
ostium in ouile ingressi, nec vocati, multas animarum
myriades maestârint, quando Christianæ doctrinæ veri-
tatem iactantes, non tam per Christum, qui est ostium,
sive per eam, qui in ipsum est, fidem, sive per eius pasto-
res, quam per inferiorum portas in Ecclesiam sibi parâ-
runt aditum.

*Ad consummationem Sanctorum in opus ministerij, in ædifi-
cationem corporis Christi, donec occurramus omnes*

67. Ideò Apostoli, Prophetæ, &c. sunt Ecclesiæ dati ac
concessi, vt nos veluti paruulos regant & instituant, do-
nec omnes credant in Christum, & eum agnoscant, de-
sinantque esse paruuli fluctuantes, sed perfectam ac so-
lidam habeant fidem, nullis hæreſeon flatibus, nullis

G 3 perse-

persecutionū procellis obnoxiam , donec firmi ac constantes in vera Christi cognitione maneant, ac sic demū edificium illud, quod in Christo Pater proposuit, membris, partibus & modis omnibus sic compleatur, vt amplius illi nihil desit. Cùm enim verum Christi corpus ad plenam triginta ferè trium annorū ætatem perductum idæa sit corporis mystici, eius ætatis perfectioni conformis erit sanctorum ætas, quando fuerint à mortuis suscittati , quia nullus inerit eis senectutis defectus aut deformitas, reformabit enim corpus humilitatis nostræ Christus cōfiguratum corpori claritatis suę. Et quia Pastores & Doctores sæpè frustrà verbo & exemplo in Ecclesia laborant, ineptè colligit Rollocus, certam legitimæ vocationis diuinæ notam ex efficaci ædificatione debere colligi, nisi velit Esaiam contendere minimè fuisse Prophetam, quòd eius auditui, vt ipse queritur, nemo crediderit , aut Paulum Apostolum dignitate velit spoliare, quod eius Euangelium non ita efficaciter in hominum animis operaretur, & Christum nō fuisse Messiam euincat, qui tum verbis, tū signis parùm sæpè fructus retulit.

68. Sanè habet Ecclesia Catholica veros Doctores, licet eis euangelizantibus nō credat Rollocus, sicut Sol verè suas vires exerit, licet eius splendori aliquis sæpè obex obsistat. Christi corporis ædificationem verbi diuini prædicati effectum esse libenter Rolloco concedimus, sed solius Scripturæ angustiis verbum Dei, quòd omnia ad salutem necessaria contineat, restringere non possumus, quia longè plura credenda, tenendaq; sunt, quamquam Scriptura docet. Frustrà proinde hinc Pontificiorum ementitas traditiones damnat: nam cur Doctores Ecclesiæ datos putet? nisi vt Scripturæ sensum aperiant, facros

*Philip. 3.**Esa. 53.**Rom. 10.**Math. 11.**Luc. 10.*

facros libros interpretentur, & plurima, quæ nec aperte nec obscurè sacris literis continentur, ad doctrinam tamen fidelium pertinent, depromant, & exquirant diligenter quid vniuersa semper tenuerit Ecclesia, quid consiliis institutum, quid retentum, quid datum, quid uè sit probatum. Frustrè etiam & Prophetæ & Euangeliæ essent dati, si solius verbi scripti præsidio Christi corpus deberet ædificari, quod non omnia suppeditet, quæ & ad fidem & ad mores iudicari possunt esse necessaria.

*Hoc igitur dico & testificor in Domino, ut iam non ambuletis,
sicut & Gentes ambulant in vanitate sensus*

69. Eorum, quæ hactenus à Paulo dicta sunt, hic erat scopus, ut in fide confirmatos Christo que insitos Ephesios, ad yberes bonorum operum fructus incitaret. Hinc eos, ut iustè velint ambulare, serio cohortatur, viam & rationem in Spiritu proficiendi insinuans. Ac in primis mentem viciis, prauisq; cupiditatibus vacuam, quæ de singulis actionibus rectè dijudicet, requirit, demum ut Deo rerum omnium principio & fini innitantur, ad eius legem tanquam ad regulam certissimam, qua suum finem assequantur, omnia sua consilia & cogitationes reuocates, ne veteri Gentium consuetudini insistentes, sapientiæ lucem, per quam Deum verè debent cognoscere, atq; diligere amittant.

70. Quemadmodum enim is, qui solis splendori oculos claudit, in tenebris versatur: ita qui à Deo recedit, dicitur eius cor siue animus obscurari, quando sibi, non Dei bonitati sapientiæ opinionem adscriperit, quia ut est apud Prophetam: Stultus factus est homo à scientia sua: Cùm enim gentes naturali cognitione, rerū creatarum pulchritudine & magnitudine adducti, Dei potentiam,

tiam, maiestatem, sapientiam, virtutē (in quibus effectis velut in speculis & libro quodā relucebat diuinitas) cognouissent, vani sunt facti, eò quòd contenti inquisitio-
 ne, & quā inquirendo adepti erant, cognitione, animum non intenderunt actioni, quę inquisitionis & cognitionis est finis: Sicut, qui multa de Deo disputant, nec tamen hoc agunt, vt tota animi adhæsione illum amplectan-
 tur, in eiusque amore magis ac magis proficiant: quibus timendum est, ne eueniat, quod Philosophis, qui cùm agnitus Deum non glorificāsent, ita se libidini exposuerunt, vt ad omnem occasionem illa vterentur, nihilque prætermitterent, quod esset immundum, ita vt illo-
 rum libido terminū nesciret, non quòd natura sua huic libidini hominis mens seruiat, vt vult Rollocus, Papistas & Philosophos ridens, quòd regina facultatum ab ipsis constituatur, sed quòd admirabili illa vi, quam ei Deus inseuit, cuius vigore poterat in Dei notitiam nō modo venire, sed ex notitia in eius amorem inflammari, sponte soleat abuti, quę naturalis cognitionis præsidio multa bona, honesta, & utilia poterat mandāsse effectui.

Sit tamen Christum audistis, & in ipso edociti estis (sicut est veritas in Christo Iesu) deponere vos secundum

1. Thess. 2.

2. Thess. 1.

71. Quia disciplinæ, auditus obsequitur, vult Ephesios memoria repetere Paulus, quę de Christi fide & imitan-
 da vita audierant prædicari: ex quibus facile, inquit, col-
 ligent, quām contraria sit doctrina gentilium doctri-
 nae & vitæ Christi. Illa enim vitiis seruit, & vetus homo dicitur, hæc vitiis extirpatis, virtutes inserit & plātat, & vitę nouitas appellatur. Cū enim ea vetusta dicantur,
Proverb. 15. quibus ruina & corruptio p̄ximè impēdent (quod enim
a Hebr. 8. antiquatur & senescit, prop̄ interitum est) tum homo pecca-

peccati obnoxius, secundum imperfectionem, quam per Adamum attraxit, viuens, dicitur vetus, quod à natura suæ origine recedens, rationis scilicet imperio neglecto, brutalibus illecebris & cupiditatibus carnis agatur: quam ideò vitæ vetustatem iubet alibi Paulus cum omnibus astibus suis expoliari, ut hominem eum possint homines induere, qui est secundū agnitionem Dei, secundum imaginem eius, qui creauit illum. Ex quibus, Christi cognitionem cum Rolloco sanctimoniaz agnitionem esse lubentissimè confitemur.

72. Cuius initium cognitionis cùm sit verbi diuini prædicatio, tantum abest, ut verbo Dei peccatum imputemus (quemadmodum mendaciter Papisticis affigit Rollocus) quin potius beatos eos prædicemus, qui Dei verbum nō modò audiunt, sed & custodiunt. Quin immò verbum Dei corda hominum in Christo fructū ferentia, & per gratiam, fidem & dilectionem vñita, sic purgari dicimus à peccatis, ut plus semper in vita fructus afferant. Purgat enim Dei sermo hominum animos à multis imperfectionibus, tum illustrando & docendo, tum increpando & admonendo, tum instruendo & affligendo, cùm tam viuus ac efficax sit, ut omni gladio ancipiti sit penetrabilior, immò pertingat usque ad diuisionem animæ & Spiritus, compagumque & medullarum.

Renouamini autem spiritu mentis vestrae, & induite nouum hominem, qui secundum Deum creatus est in

73. Quod secundum carnem natum est ex aliquo, tale est, inquit Basilius, quale id, ex quo natum est: cùm ergo omnium hominum principiū fuerit Adamus, per quem in omnes peccatum pertransiit, quando à volun-

H tate

tate diuina descivit peccando, clarum est, homines
Psalm. 50. omnes non sine peccati labe, & cum rectitudinis ac
 ordinis naturalis defectu procreari: omnes enim sicut
Osea 8. Adam, transgressi sunt pactum, ibi pruaricatis sunt
1. Corint. 15. in Deo, dicit Oseas. Quemadmodum vetustatis initia-
Gen. 6. 9. um fuit Adamus, ita nouitatis est C H R I S T U S, quia
 sicut in Adam omnes moriuntur: ita omnes in Chri-
 sto viuificantur. Ut enim homo viuit vita vegetativa,
 sensitiua, rationali, secundum quam non quicquid a-
 git aut cogitat, peccat, vt vult Rollocus (licet ab ado-
 lescentia sua ad malum propendeat) ita natura huma-
Ioann. 3. Nisi na super esse humanum, Christi meritis, per Spiritum
quis renatus sanctum accipit aliam vitam diuinam, supernaturalem,
fuerit.
Gal. 5. In Chri- incorpoream, cuius certa sunt indicia conuersationis,
stole su circum- virtutum, & vita Christi imitatio & expressio, secun-
ciso, Eccl. nihil dum quam hominem nouum dicitur hic quispiam in-
est, sed noua dutus, quando scilicet ex ipsis operibus nouæ & diui-
creature. næ mutationis, ac nativitatis internæ efficacia fuerint
 edita argumenta.

Nolite contristare Spiritum sanctum Dei, in quo signati estis in
die redemptionis. Omnis amaritudo, & ira

74. *Quia à præcipuis vitiis, quæ in Decalogo con-*
tinentur, conatus est Apostolus paulò antè Ephesi-
os dehortari, hic monitionis causam reddit, quia
Spiritus sanctus hominis cor inhabitans, his peccatis
contristatur. Sicut enim, quando quispiam contrista-
tur, ab eius, qui contristat, societate procul disiungitur;
ita Spiritus S. à peccante. Quasi Paulus dicat, ne quid-
quā faciant, quo si fieri posset, meritò Spiritus S. posset
contristari, Spiritus enim disciplinæ effugit fictum, &
aufert se à cogitationibus, quæ sunt sine intellectu, cu-
iusmodi

Sapient. 1.
2. Corint. 1.

iusmodi sunt, quas antea attigit, furti, mendacij, fornicationis, scurrilitatis, superbiæ, quas qui in animum admittunt, diabolo censeri locum dedisse debet. Quæ expositio, et si ad Pauli mētem satis accommodata videatur, non tamen male sentiunt, qui verbis obscenis in confessu piorum virorum sine ratione effusis, dicunt, audientium animos, inhabitantem Spiritum sic ^{1. Corint. 6.} conturbari, ut quasi tristis abscedat, eò quod qui Deo adhæret, unus cum illo spiritus efficiatur. Ex quo Spiritus sancti ab homine discessu, maximum damnum prouenire, sit inde perspicuum, quod Dei imaginem, animo suo impressam, amittat, quam ea die, qua Christi per Baptismum redemptionis particeps effectus fuerat, acceperat, dum ei Spiritus Dei character imprimetur, & gratiæ arra eius cor donaretur, quæ diligenter aliâs erat custodienda, quod ea perdita, nemini salut contingat, vitaque æterna concedatur.

CAPVT QVINTVM.

Estote ergo imitatores Christi, sicut & filii carissimi.

D M A X I M O hominibus est argumēto, quod ^{75.} sint Dei filii, si facile remittant iniurias, & inimicos diligat ex animo, quia in eo similitudo quædam cum parēte Deo elucet, qui sibi infestissimū hominū genus filij sui morte, ab æterno exitio redēptum, reconciliavit. Vnde cœlestis Patris filios Christus Dominus appellandos promisit, qui pro persecutib⁹ se process ad Deū fudissent. Hinc cum mutua ignoscendi necessitate proposita ad misericordiā Ephesios superiori capite prouocasset, huius initio, cōmunem parentem

H 2 Deum

Cathech. Rom.

Eccles. 2.

Ioan. 13.

Galat. 2.

Deum imitandum proposuit Apostolus, qui paratissimum & promptissimum ad ignoscendum se semper esse, contestatus fuisset, quocunque temporis momento de suis flagitiis pænitudine ducitus, ad ipsum quispiam confugisset. Cùm enim naturæ lege sancitum sit, vt tales nos aliis præbeamus, quales eos in nos esse cupimus, impudetissimus esset ille, qui à Deo Patre postularet offensionis & poenæ condonationem, qui & in fratrem, siue proximum, retinuisset armatum & infensum animum.

Et ambulate in dilectione, sicut & Christus dilexit nos, & tradidit semetipsum pro nobis oblationem & hostiam Deo

76. Dei imitandi rationem & conuenientiam dicit esse charitatem, cuius signum evidentissimum & typus Christi fuit dilectio, qui cùm eius inimici essemus, sola sua diuina bonitate adductus, non expectata aut requisita causa ex parte nostra, semetipsum tradidit in crucis mortem, ad saluandum & liberandum nos à peccato, & ad dandam gratiam, vt Deo conciliati, possemus eius præcepta scriuare. Mortis enim ipsius sacrificium ita Patri gratum, acceptumque fuit, vt peccatis nostris expiatis, eiusque severitate, quam peccata nostra promerebantur, in lenitatem & misericordiam commutata, suam gratiam nobis impertierit, quam in ipsius amicitudinem recepti, ad felicitatem, ius & hæreditatem consequemur, si modò nostra opera, certaq; à Deo ad id requisita media, non defuissent. Neq; enim Christi mortis oblatione Pater alia ratione adductus est, vt hominibus tum remitteret peccata, tum ius ad patrimonium cœlestis simul conferret, nisi poenitentia, fides, Baptismus, spes, & id genus opera ex parte nostra, intercessissent.

*Ez. eph. 15.
Luc. 17.*

*Ioan. 3.
Esaï. 55.*

*Hebr. 11.
Luc. 13.
Marc. 9.
Ioan. 3.
Rom. 8.*

sent. Quemadmodum enim si medicus salutaria reme-
dia conficiat, quæ nolit æger ex eius præscripto sumere,
vana sunt, & parum utilia: ita Christi mors parui aut
nullius est ei ponderis, qui, uti decet, eam sibi propriam
non effecerit. Poculum immortalitatis, quod confe-
ctum est de nostra infirmitate & virtute diuina, habet
quidem in se, ut omnibus prospicit: sed si non bibitur, non
proficitur, inquit Augustinus. Hinc Paulus ab omni in-
quinamento carnis emundationem desiderabat, ut Spi-
ritus sanctificatio in Dei timore posset à nobis perfici.
Quare non immerito peccata per Christum esse nobis
donata, frequenter prædicaret Rollocus, si etiam quod
nostrarum desideratur partium, adiungeret. Fide qui-
dem & Spiritu coniunctos Christo, mortis Christi par-
ticipes fieri affirmat: at quomodo Spiritus, quomodo
fides, quæ per charitatem operatur, hominibus contin-
gat, vel nescit, vel prudens & sciens reticet. Efflagitat
quidem resipiscientiam, nouam scilicet vitam, in qua
Lutherus poenitentiæ totam rationem constituebat:
sed quæ homini nullam molestiam, nullam asperitatem
ob admissa scelera afferat.

*Fornicatio autem & omnis immunditia, aut auaritia nec no-
minetur in vobis, sicut decet Sanctos, aut turpitudo*

77. Magistris purior discipulus nullam esse hærescon-
ait Rollocus, quæ non defendat aliquam impuritatis
speciem. Propera proinde Rolloce ad Ecclesiam, quæ
ut est sine, vel ruga, vel macula, castionię, puritatisque
officinas, in quibus virgines, Deo sacratae, summo stu-
dio semper instituit, fouit, defendit, donec tuæ sectæ
cœnosi homines, eas pervim & luxuriam diriperent,
polluerent, violaret. In hoc verò Pontificiorum mente

*August. lib. ad-
uersus artic. si-
bi falso impos-
tos in respon-
ad art. 1.
2. Corinth. 7.*

Galat. 5. 1

H 3 non

*Corinth. 11.**Roman. 7.*

non est asscutus, quando carnis impuras titillationes non esse peccata asserit, si maximè consensus non accesserit. Vnde & gratias agis, quòd apud te nulla impura doctrina defendatur. Nec apud nos, Rolloce, impuritati relictus est locus, at Paulo nos esse castiores affirmare non possumus, quem carnis infirmitas, motusque ratione vacui, sine tamen peccati labo, plurimum infestabant. Armato etenim diuinæ gratiæ præsidio cùm malum, quod oderat, præter voluntatem ficeret, ex Domini responso fit euidens, deprecanti potius laudem, quam labem, gloriam quam maculam, has corruptæ carnis irritationes attulisse, licet stimulus ille maximam, diuturnamque molestiam afferret: nemo enim est quantacunque iustitia & castitate præditus, qui dum viuit, has illecebras, & carnis lenocinia queat coercere, licet, iuuante Deo, iisdem possit & resistere, & reluctari, ac eorum voluptatem respuere. Cùm enim hi carnis motus naturæ corruptæ sint effecta, luce meridiana fit clarus, peccati nullam ea habere rationem: cùm adeò peccatum ab hominis voluntate dependeat, vt si ab ea minimè fuerit profectum, nullo modo peccatum sit existimandum. Atque hoc est quod alibi Paulus dicit, se facere illud, quod non vult. Vnde sequi de malo quod agit, sic esse sentiendum, vt sit dicendus, non ipse illud agere, sed quod in ipso habitat, nempe fomes: nam velle, subiungit, adiacet mihi, perficere autem bonum non inuenio.

Nemo vos seducat inanibus verbis; propter haec enim venit i-

ra Dei in filios dissidentia: nolite ergo effici

78. Quia non omne impuritatis & impudicitiae ge-

nus,

nus, quo polluitur corpus, lege diuina prohiberi quidam impostores docuerunt, ideò monet, ne inanibus eorum verbis, ratione scilicet vacuis, aures præbere velint, quia à Doctoribus, quitalia, inquit, inculcant, sit inde cuidens, vos decipi, quod Deus non modò moechiam, fornicationem, &c. sed & omnem intimi animilibidinem, cui consensus accesserit, seuerissimè puniat. De qua minimè pœnam exigeret, nisi culpæ, peccatique rationem haberet adiunctam, cùm à Deo sit alienum, sine culpa pœnam cuiquam infligere. Nam cùm, ut Oseas dixit, ^{Osea 4.} hoc peccatum cor hominis auferat, siveque excæctet, pleni sunt veteris Scripturæ libri, quanta seueritate in hoc vitij genus semper fuerit animaduersum, quod ipsum hîc etiam non tacuit Apostolus, quando in luxuriæ deditos vindictam diuinam sœuire dixit. Atque utinam Lutheri & Seetariorum inania verba neminem decepissent, quæ carni non modò habendas laxârunt, sed & in hoc genere peccantibus licentiam & impunitatem promiserunt. Quid enim inanius, quam parem edendi, & congreediendi necessitatem profiteri? quid turpius, quam ab vxore ad ancillam coniugem mittere? &c. & tamen quia huiusmodi turpitudinis operarij credunt, Christique meritis nituntur, nihil vel piaculi, vel sceleris designare possunt, quos merito proinde canes & belluas impuras hoc loco Rollocus damnat.

Eratis enim aliquando tenebrae, nunc autem lux in Domino.

Vi filij incis ambulate, fructus enim lucis

79. Quemadmodum apparet quis esse id, quod principem in eo loco occupat (sicut tota ciuitas videatur esse Rex, & quod Rex facit, dicitur tota facere <sup>Via peccatorum
dicitur tenebrosa.
Pronerb. 4.</sup> ciuitas)

ciuitas) sic quando peccatum in aliquo dominatur,
tunc totus homo dicitur peccatum & tenebrae. Quibus
verbis Apostolus innuit, in profunda aliquando fuisse
Ephesios ignoratione versatos , priusquam multifor-
mis sapientia Dei, sua prædicatione , ipsis innotuisset,
per quam etiam cognoscere facile potuerunt, quas an-
tea commemorauit multiplices effrænatæ carnis turpi-
tudines, & cupiditatū fœditates, peccati vim habuisse:
At nunc, inquit, in tenebris sedentibus, cùm per Chri-
stum diuinæ voluntatis cognitionem acceperitis, viui-
te, vt eos decer, quibus diuina sapientia affluenter con-
tigit, opere præstate, quæ didicistis: Quasi ad generales
iustitiæ fructus, & operationes prouocando actionum
præcipuarum Catalogum recenseret, quibus homo iu-
stitia prædictus , & ad Deum, & ad proximum , & ad seip-
sum facile tum dirigitur, tum ordinatur. Atq; ideò cùm
lucis Euangelicæ finem , non abs re yitæ probitatem &
innocentiam afferat esse Rollocus, vellem responderet,
cur bonorum operum exercitia , varias disciplinas, cor-
porum castigationes , vigilias , &c. Ecclesiæ Catholice
instituto tum excogitata, tum approbata, sui ordinis
homines tanto studio contemniant, damnent, reiiciant.
Vellem etiam adiungeret, an vllijs semel ex hominisa-
nimo fuerint prorsus excussæ tenebrae, an cum gratiæ
luce , peccati obscuritas , vt si supra commemorauit, si-
mul remaneat , ita vt iustitiæ cum iniquitate , luci cum
tenebris sit aliqua communis societas.

*Surge qui dormis, & exurge à mortuis, & illuminabit te Chri-
stus. Videte itaque fratres, quomodo caute*

80. Si spirituali somno oppressis nulla reliqua facul-
tas est ad vitam spiritualem, nō magis quàm in homine
mortuo

Zachar. 8.

1. Corinth. 6.

mortuo ad naturalem, cur excitari putat Rollocus arbitrij libertatem gratiae diuinæ præuenientis dono, nisi ut cooperetur, & subsequente gratia, meritorias possit exercere vitæ æternæ operationes. Audi quæso Bernardum. Non partim gratia, partim liberum arbitrium, sed totum singula opera indiuiduè peragunt: totum quidem hoc, & totum illa: sed ut totum in illo, sic totum ex illo: & quemadmodum ex operibus, quæ facimus per solum Dei concursum naturalem, libertati nostræ non præiudicat concursus diuinus, ita neque in istis præiudicat gratuitus. Administrat quippe pro sua summa sapientia illa omnia suauissimè, & iuxta vniuerscuisque rei proprietatem & naturam. Alioqui cur dormientes, ut ex-
Sap. 8.
pergiscantur, excitat? quid exhortationes & monita ad vitæ nouitatem? cur obstinatæ voluntatis pulsaret ostia?
cur inuitat? cur clamat, si non subest dormientium potestati, ut excitati conuertantur? Dormit quidem arbitrium peccati sopore grauatum; attamen licet admisso peccato, aliquam potestatem, non tamen libertatem amisit: neminem enim cogit, sed suadet, ut recte opere-
Richard.lib.de statu hominis integ. cap. 22.
mur, & quicunq; ipsi assentitur, allicit & trahit, propter
August. lib. 83.
cà dum veniret in mundum, alij cum receperunt, alij neglexerunt, quo respicere videtur Ioannes, quando fata dicit hominibus à Christo fuisse potestatem, ut filii Dei fierent.
q. quæst. 68.
1. Retract. 26.
Ioan. 1.

Subiecti inuicem in timore Christi.

81. Generalis huius constitutæ sententiæ omnes cuiusvis ordinis homines concernentis partes inferius singulariter exponentur. Audiant, inquit Hieronymus,
Coloss. 5.
hæc Episcopi, audiant presbyteri, & omnis ordo Doctorum, subiectis suis se esse subiectos, & hoc facit vera char-

I ritas,

ritas, vt alibi: per charitatem seruite inuicem, quoniam ad hoc ipsum adegimus Christum, vt seruiret nobis. In eo enim Spiritu, quo Christus subiectum se præbuit omnibus propter Deum, seruiens nobis in charitate, in eo nobis mutuo obsequendum & seruiendum, cupit Apostolus, non quidem sola hominum eminentiorum gloria, sed Christi timore ad hoc adductos, qui quidem Dei timor, sit potius reuerentia, quam timor ille, quem foras mittit charitas. Atque ideò omnis ordinis authorem constituens Rollocus Deum, vt sit ordo in omni politia & Repub. miror Ecclesiasticae œconomia cur non meminerit, cur politico Magistratui hanc curram incumbere significarit, vt ciues ipsius in vero Dei timore retineantur, & non potius ad Ecclesiæ Præpositos & Rectores hoc munus reuocarit, quibus subiici & obedire iubentur, quotquot Christiano nomine censemur siue Reges, siue Duces, siue Imperatores, &c. qui à Petri pascuis tum doctrinæ, tum fidei, tum religionis pabulum petere sunt iussi. Cùm enim is regni cœlorum claves ab ipso Salvatore tum pro se, tum pro sua postritate & promissas & traditas acceperit, ita vt & aperiendi, & claudendi, ligandi & soluendi, pœnas inferendi & remittendi potestatem habeat, ad eum, non ciuilem ad Magistratum Ecclesiasticae œconomiae ratio pertinebit; Politia siquidem siue potestas ciuilis, ab Ecclesiastico statu ac Rep. spirituali valde distincta est, quemadmodum paulo antè insinuauimus, quando ipsam eandem Christi corpus mysticum appellauimus, quod natura, fine, gubernandi modo, differant, licet reciproca quadam officiorum consuetudine vtrumque indigeat, & vtrumque alterum alteri præstet; tametsi ciuile in omnibus rebus

*2. Tim. 1.**Rom. 13.**Ioan. 4.18.**Matth. 16.*

rebus Dei honorem vel salutem animarum quicunque *Gregor. Njff.*
modo attingentibus superiori illi, spirituali videlicet,
parere, & eius præscriptione dirigi debeat, quemadmo-
dum vetustatis monumenta Pontificibus & Episcopis
Imperatores, Duces, &c. ad nutum obedisse testantur.
Numerianus, siquidem à Babyla Episcopo Antiocheno
correptus nunquam paruisse, nisi cum gradu dignitatis
maiores se esse sciuisse. Nec se Theodosius Ambrosio
subiecisset, nec à Symmacho Papa Anastasius, nec ab In-
nocentio cum Eudoxia Arcadius latam contra se ex-
communicationis sententiam æquo tulissent animo,
nisi dignitatem Episcoporum sua ciuili maiores non
modò agnouissent, sed & eos Christi nomine in terris
legatione fungi vltò fuissent confessi. Audierant enim *Aetor. 20.*
Petrum monentem, ut ipsis tanquam Præpositis obedi-
rent, eique subiacerent, quod ipsi peruigilent quasi ra-
tionem pro ipsis animabus reddituri. Audierat Pau- *1. Timoth. 5.*
lum monentem, qui benè præsunt presbyteros, paren-
tum loco habendos, atque adeò duplici, id est, maximo
honore dignos, qui verbo & doctrinalaborant, eisque
tanquam Deo ex charitate obedientiam deberi, qui
nos in Christo Iesu per Euangelium genuerunt.

*Mulieres viris suis subditæ sint, sicut Domino, quoniam vir
est caput mulieris, sicut Christus caput est*

82. Quia diuersi status & conditionis hominibus obe-
dientiam generatim præceperat Apostolus, hic primò
obtemperandi conditiones œconomiæ, quæ tres, viri
scilicet & mulieris, patris & filij, Domini & serui, con-
nexiones habet, præscribit. Ac in primis mulieribus po-
tiores partes negans, ad subiectionem eas inuitat, ne

I 2 viris

viris suis sint, vt est apud Ecclesiasticum, contrariae: sed potius eorum, ceu dominorum, in licitis scilicet & honestis, morem gerant voluntati, non quod viri coniugibus veluti seruis, qui non suam, sed solius Domini utilitatem spectare solent, vti debeat, sed quod uxoribus in his, quae ad communem utilitatem pertinent, virorum imperio sit obtemperandum, quomodo Apostolorum princeps etiam præcipit, vt viris suis mulieres sint ideo subditæ, quod vir mulieris sit caput. Cùm enim in capite sensus præcipui vigeant (Sapientis enim oculi in capite eius) ideo ad virum mulieris gubernatio, sicut ad Christum Ecclesiæ regimen pertinet.

*1. Pet. 3. 1. Cor. 11.**Eccles. 2.*

Sed sicut Ecclesia subiecta est Christo: ita & mulieres viris suis in omnibus

83. His satis liquet, matrimonium esse in ordinem rerum sacrarum à Christo redactum, & quidem ita, vt si-
guum sit institutum gratiae & mutuae charitatis, quæ de-
bet esse inter coniuges, sicut est inter Christum & Ec-
clesiam. Huius enim Sacramenti gratia efficit, vt vir &
vxor mutuae charitatis vinculo coniuncti, alter in alte-
rius benevolentia conquiescat, alienosque & illicitos
amores & concubitus non quærat, sed in omnibus sit
honorabile connubium & thorus immaculatus. Hinc

*Theoph. Chrys. Ephiphani. Am-
broſ. in hunc locum.*
*Aug. in hunc locum & lib. 6.
commentar. in Lucam ad c. 8.*

est, quod Augustinus in nostris dicat nuptiis plus valere sanctitatem Sacramenti, quam fœcunditatem vteri, cui ius effectum hunc esse conuincit Paulus, vinculum inter coniuges indissoluble casti pudoris, fidei & amicitie plenissimum, adeò vt sicut Ecclesiam indissolubili nexu, sibi Christus, fide scilicet despōsauit: ita matrimonij res, inquit Augustinus, hæc sit, vt mas & fœmina connubio copu-

copulati, quamdiu viuunt, inseparabiliter perseverent, simul ita cohabitent, ut mulier ceu membrum capiti, viro tanquam superiori minimè repugnet, sed sicut Ecclesia Christo in omnibus obtemperet. Vnde cùm vir Christo, Ecclesiæ vxor cōparetur, fit perspicuum, mulieris esse virum, sicut Christus est caput Ecclesiæ, eaque ratione fit, vt vir vxorem diligere debeat, & vicissim vxor virum.

Viri diligite uxores vestras, sicut & Christus dilexit Ecclesiam, & semetipsum tradidit pro ea, ut illam

84. Triplici ratione viri erga mulierem affectum promouere nititur: quarum prima est, à Christi exemplo, qui tanta dilectione prosecutus est Ecclesiam, quanta maior excogitari non potest, cùm maiorem charitatem exhibere nemo possit, quām si vitam alterius causa profundat. In hoc, dicit D. Ioannes, cognouimus charitatem Dei, quoniam ille animam suam posuit pro nobis. Christus enim, vt Ecclesiam per Spiritum sanctum non nudis verbis & cōceptibus, sed gratiæ infnsione doceret omnem virtutem & veritatem, ita vt doctrinæ eius vita posset respondere, seipsum tradidit pro ea in mortem, corpus scilicet suum donans, vt illi sanctificationis Spiritum impetraret.

*Coloff. 2.
Galat. 2.
Ezech. 52.*

*1. Ioan. 2.
Ioan. 10.
Hebr. 9. litem.*

Mundans eam lauacro aquæ.

85. Ineptè singit Rollocus, Baptismum internę purgationis duntaxat esse Symbolum, cùm Paulus huic Sacramento mundandi vim & efficaciam sic adscribat, quasi virtutē à Christi passione acceperit, vt ad gratiam producendam efficaciter posset usurpari. Deus ^a enim ^{a Rom. 6.} hoc & aliis Sacramentis, tanquam instrumentis separa-

*Ezech. 36.
Zachar. 13.
Matth. 9. 14.*

tis vtitur ad gratiæ productionem. Adeò, vt in illis tanquam causis instrumentalibus gratia virtualiter continetur, & non tantum in iis sit, vt in nudo signo, vt velle h̄c videtur idem Rollocus. Miratur proinde Augustinus, quæ tanta sit virtus aquæ, vt corpus tangat, & cor abluit. Quod enim in corpore natū est fieri per aquam, intelligendum est fieri intus per Spiritum. Dicitur enim fieri per aquam, quoniam sine hac humiliatione hominis ad aquæ lauacrum non lauaret animam Deus, sicut Naamani lepra, nisi ^b Iordanis aquâ non potuit sanari, alioqui Baptismus dici non posset lauacrum regeneratio-
b 4. Reg. 5.
c Ioann. 3.nis, si nos per illum Deus non lauaret, cùm tamē ex aqua & Spiritu sancto simul à Christo ^c dicantur homines regenerari in nouum hominem, & in statu filiorum Dei constitui, vt haereditatem regni Dei possint percipere.

In verbo vite.

Marcii Ultimo. 86. Et h̄c Rollocus hallucinatur, verbum vitæ, aquæ adiunctum, Sacramēti tantum usum & significationem explicare somnians, quasi ad ipsius Baptismi substantiam non pertineret, & simul gratiam in anima non operaretur. Immò Rolloce, aquæ verbum adueniens dat ei virtutem peccata diluendi. Eo enim ipso, quod quis aqua à ministro tingitur, horū verborum accedēte forma: Ego te baptizo in nomine Patris, &c. peccatorum remissionem & gratiam, ac plurima alia dona, atque etiam virtutes reipsa in animo regeneratus cōsequitur.
Vt exhiberet ipse sibi gloriosam Ecclesiam, non habentem manuam, aut rugam, aut aliquid huiusmodi

Lib. 2. retrahit.
cap. 18. 87. Describit, inquit Augustinus, Ecclesiam Apostolus, non quæ iam sit, sed quæ præparatur vt sit, quando appare-

apparebit etiam gloriosa, cùm enim ait, non tantum dixerit, vt exhiberet sibi Ecclesiam nō habentem maculam Lib. de perfecta infirmitate.

aut rugam, sed etiam addiderit gloriosam: satis significavit, quādo erit sine macula, aut aliquid huiusmodi, tunc Eccles. 23.

vtique gloriosa. Non enim modò in tantis malis, tantis scandalis, in tanta permissoне hominū pessimorum, in tantis opprobriis impiorum dicendum est, esse eam gloriаsam.

Nam si Dominus ipse non fuit glorificatus, nisi resurrectionis gloria, quomodo dicēda est eius Ecclesia ante resurrectionē suam esse gloriаsa. Mundat ergо eam lauacro aquae, abluens peccata prаterita, deinde perficiēs eius sanitates, facit eam occurrere in illā gloriаsa sine macula vel ruga. Hаc Augustinus. Quę videntur eò tendere, vt gloriаsa non dici beat, quę hіc militat Ecclesia. At cùm Baptismus omnes omnino maculas deleat, dici potest Ecclesiae membra reddere immaculata.

Quodadiungit sine ruga, id certum est, ad Baptismi nouitatem pertinere, qui veterem hominem sustulit & absumpsit. Renouatur quippe, vtaquilx^a iuuentus no-

a 1. Pet. 2. dicitur regenerari quasi modo teneri infantes.

stra per lauacrum regenerationis, & renouationis Spiritus sancti, quem effudit in nos abunde, per Baptismū etiam Christo spōso gloriаsa illi Virgo genere ac virtute clara, pulchra, munda, veste preсiosa, auro gemmisq; ornata exhibetur, qualē certe nunc etiam credimus esse: non in omni parte sua quidē, nam id non est necesse: sed in multis membris, quorum sanctitas & puritas facit, vt Ecclesia ipsa sancta, vera, immaculataq; dicatur, sicut in parvulis & adultis, qui primūm baptizati sunt, vsu venit, & in his, qui criminibus mortalibus carent, secundūm quod contra Rollocum regenerati perfecte sanctificati dici possunt, immo beati immaculati in via, qui in Dñi 1. Petr. 2.

Psalm. 102.
Ad Titum 30.

lege

Psal. 118.

lege à Propheta prædicantur, & cùm se ab iniqüitate seruauerint, dicuntur cum Deo esse immaculati, qui per Baptismum Christianæ Reipub. sunt insiti ciues.

Qui suam uxore diligit, seipsum diligit. Nemo enim unquam carnem suam odio habuit, sed nutrit & fouet

*Genes. 2.
Matth. 19.
Eccles. 2.15.*

88. Cùm natura homini comparârit, vt seipsum dili-
gat, vir porrò & mulier vnum quodammodo sint, cùm
sicut animę caro; ita viro mulier sit subdita, fit vt sicut se-
ipsum homo odiſſe non potest, ita naturæ repugnare, si
vxorem odio prosequatur. Caro siquidem, si secundūm
se consideretur, odio haberri non potest, cuius fouenda
& sustentanda causa, totantiq; labores ab hominibus
sèpè suscipiuntur. Verùm si prout à Dei visione & beati-
tudine retrahit, in quā natura serimur, spectetur (quam-
diu enim in hoc corpore sumus, ^a peregrinamur à Dño)

a 2. Cor. 5.

ideò contigit sanctis hominibus, carnis molem, vt vel-
lent deponere, non tanquam malam, & odio prosecu-
tam, sed velut maioris boni impedimentum. Atq; etiam
inde prouenit, quòd à sanctis hominibus affligatur &
castigetur caro, quòd scilicet virtutum habitus, quibus
ad ultimum finē disponitur, eius lasciuia sèpè impedit.
Qui tamen ita carnem in seruitutem redigit, odio eam

2. Cor. 9.

*prosequi dicendus non est, sed eam potius diligere, quia
eius bonum procurat, quod in eo situm est, vt Spiritui
seruiat, sicut hominis bonum est, quod Deo subjiciatur.*

Psal. 72.

*Mihi, inquit Prophétia, adhærere Deo bonum est.
Propter hoc relinquet homo Patrem & Matrem, & adhærebit
uxori suæ: & erunt duo in carne una.*

Matth. 19.

89. Ethic Rollocus ex voce Misterij Papistis mirificè
insultat, quasi non debuerint huius vocabuli præsidio,
nouum Sacramentū fabricare, quæ scilicet tantum rem
arcana,

arcanam, & sacram, non verò Symbolum, aut signum rei sacræ significet. Mysterij igitur nomine, inquit, significatur spiritualis Christi & Ecclesiæ, non viri & vxoris coniunctio, sed longè falli hominem opinione contextus euincit, cùm enim dixisset híc Apostolus, relinquet patrem & matrem, & adh̄erebit vxorisui, & erunt duo in carne vna, subiunxit, hoc, nempe relinquere patrem & matrem, esse duo in carne, &c. magnum est Sacramentum, quia Christi & Ecclesiæ coniugium representat, quasi Paulus coniuges ad mutuam benevolentiam provocatus, insinuare velit, matrimonium non esse rem leuem, aut contemnendam, sed in eo magnum includi mysterium, quòd ad Christum & Ecclesiam referatur. Christi enim & Ecclesiæ coniunctio eius mysterij, quod est in fidelium cōiugio, terminus est & finis. Vnde concludit Augustinus, non esse Sacramentum, nisi in Ecclesia, quia ibi solum Christi & Ecclesiæ coniunctionem representat, vbi non solum ex naturæ conformitate, sed ex spirituali charitate, qua Christus Ecclesiam diligit, & sanctè gubernat, ipsaq; Ecclesia Christo per fidē, spem, & charitatem adhærere cernitur, matrimonium consideratur, in quo Deus virum & foeminam ad hunc finem coniungit, vt spirituali sua vnione, vunionem spiritualem Christi & Ecclesiæ significant, cui rei gratiam etiam largitur, sine qua spirituale illam vunionem non haberent.

Bellarum.

Sacramentum hoc magnum est.

90. Quædam Sacraenta magna ob diuersa effecta, diuersasq; prærogatiwas dicuntur: primùm Baptismus, cuius effecta sunt peccati perfecta remissio, & hereditatis cœlestis adoptio. Cōfirmatio, quia est Baptismi complemen-

K

plemen-

plementum & perfectio, per quam Spiritus sancti plenitudo confertur. Cum autem re ipsa Christum Eucharistia contineat, & non mystico siue spirituali modo tantum, ut vult Rollocus, Sacramentorum maximum dicitur immerito posse, Patres illi censuerunt, à quibus *τελετὴ τελετῶν* est appellata: & quia Matrimonium per viri & uxoris coniunctionem, reluitante Rolloco, Christi & Ecclesiae coiugium significat, magnum ab Apostolo hic optimo iure, nominatur. Neque enim repugnat (quod non intelligit Rollocus) aliquid esse corporale, quod sit etiam simul mysterium. Manna siquidem corporeum erat, & tamen Christi corporis, prout in Sacramento re ipsa quoad diuinitatem & humanitatem sumitur, ut & agnus paschalis erat figura, sicut aqua profluens ex petra corpus erat, & tam qui eam bibebant, dicuntur à Paulo de consequente eos petra bibisse. Quare (quod fingit Rollocus) non propter ynam Sacramenti vocem adducta est Ecclesia, ut distinctam habere Sacramenti rationem doceret Matrimonium, sed quia est signum siue Symbolum rei sacræ, non autem contractus ciuilis & naturalis, quæ minister Ecclesiæ promulget. Neque enim ad huius Sacramenti celebrationē ministerij aliud vel aliâ quam contrahentium opera opus est, licet Ecclesiæ instituto, nuperrima hæc conditio accesserit, ut Matrimonium ratum illud non habeatur, cui legitimus pastor non interfuerit.

Ego autem dico in Christo & in Ecclesia. Veruntamen & vos singuli unusquisque uxorem suam sicut seipsum diligat.

91. Cum Matrimonium sanis ad officium, ægrotis, Augustino teste, sit ad remedium, Christi vero remedia aduersus peccata non sint, nisi per gratiam, perspicuum fit, Matri-

*Ioan. 6.
1. Cor. 10.*

Concil. Trid.

Concil. Trid.

*Lib. 9. super
Genes. ad lit.
cap. 7.*

Matrimonium ad hoc, vt inter coniuges mutui amoris affectio foueatur, gratiam afferre, licet enim natura homini inseuerit, vt appetitio naturalis, debitæ actioni consentiat, secundum quam relictis parētibus, vir vxori adhærens, magis ei quām suis progenitoribus conglutinetur: gratia tamen opus est, vt id ritè fiat, & trinus Matrimonij bonorum vſus ad Dei gloriam dirigatur. Sicut ergò cum Ecclesia Christus colligatur: ita homini cum vxore maxima coniunctio esse debet, quæ vt fide, prole, & Sacramento retineatur necesse est. Maximum est inter patrem & filium, inter filium & matrem vinculum, tamen ab hoc per alium spiritualis Matrimonij nexum validiorem distractus est homo Christus, qui tāto amore est Ecclesiam suam prosecutus, vt se & à patre quodam modo segregaret, & à matre legibus istius sæculi & viri se submittens. A patre quidem visus est disiungi Christus quodammodo propter Ecclesiam, quando in forma serui mundo apparuit: Exiui, inquit, à patre, & venni in mundum: segregauit & se à matre, cùm propter eandem Ecclesiam mortuus est in cruce, ipsa matre discipulo, quem diligebat, commissa & relicta. Ut ergo triplex connexio viri ad mulierem, quæ & in consuetudine, & in amore, & in opere carnis consistit, ad Christi & Ecclesiæ imitationem firma, stabilis, & diutina esse possit, quæ demūm mortis legibus terminatur, gratiæ diuinæ *Roman. 6.* adiumento opus est. Atque ita Geneseos Scripturam *Genes. 2.* interpretari videtur Apostolus: Si, inquit Rollocus, Sacramenti proprius finis est, nostri cū Deo reconciliatio, qua vnicuiq; opus est, cur sacrificuli vxores nō ducunt? Non est, Rolloce, omnibus Sacramentis hoc effectum commune, vt per se Deo homines reconcilient, quod ex

K 2 natura

natura sua tum Baptismo, tum Poenitentiae est proprium, sed ut Scholæ Theologi loquuntur, per accidens, sacrifici, ut loqui soles, onerum Matrimonij molē, cum ferre nec possint, nec velint, eius gratia præsidio non eagent, quo facilia redduntur ea Matrimonij onera, sed Spiritus sancti in sua ordinatione accepto munere, in iis, quæ sui ordinis & officij sunt, vtuntur, iuantur, & diriguntur.

CAPVT SEXTVM.

Filij obedite parentibus vestris in DOMINO.

92.

ALLATÆ suprà sententiæ (subiecti estote inuenientem in timore CHRISTI) secundam adfert subiectionū speciem: Prima vxoris erat & mariti. Quæ soquitur, ad filios erga parentes spectat. Cum ergò proximi charitas à charitate DEI ortum habeat, atque ad eam tanquam ad certam regulam dirigenda sit, tum quando parentes habere charos, ipsis parere, ipsos reuereri iubemur, id ea remaxime faciendum est, quod eorum procreator sit Deus, eosque liberis praesse voluit, quorum opera ipsis regit ac tuetur: qui cum nobis auctor sit, ut eos reuereamur, idcircò id præstare debemus, quia à Deo hoc ipso dignantur honore. Ex quo fit, ut honor, quem parentibus habemus, Deo potius quam hominibus haberi videatur. Atque hoc est, quod adiunxit Apostolus in Domino, quia amor, quo vel parentes, vel proximi diliguntur, suis finibus est circumscriptus. Iubet quidem Dominus diligere proximos, sicut nos ipsis: at si quis modum excedat, ut parem Deo & proximis honorem tribuat, grauissime peccat, in quam

Luc. 10.

in quam sententiam videtur Saluator dixisse: Si quis ve-
nit ad me, & non odit patrem suum, non potest meus es-
se discipulus.

Matth. 16.

*Hoc enim iustum est: Honora patrem tuum. & matrem
tuam.*

93. Cur parentes sint honore prosequendi, dat ratio-
nem ex duobus: ex iustitia scilicet, & ex utilitate. Iustum
est patet, quia lex Domini nihil imperat, nisi quod iu-
stum est: at eadem lex liberis iubet, ut honorificè de pa-
rentibus sentiant, & quæ sunt eorum, maximi ab ipsis
faciant, ipsos ament & reuereantur, tanquam se supe-
riores, ipsis obedient, à quibus vitæ & morum discipli-
nis erudiuntur, si modò ea disciplina Dei præceptis
non repugnet, alioqui dubium non est, quin liberi pa-
rentum cupiditati, Dei voluntatem præferre semper de-
beant, cùm obedire Deo magis quam hominibus opor-
teat, & quod Scriptura severè inculcat, parentibus om-
nia officia debentur à liberis, quæ tum ad animi, tum
corporis corum bona pertinere intellexerint, ut illis sci-
licet benefaciant, eorum sana consilia sequantur, &c. ne
Chami execrationis fulmine tandem percutiantur.

Matth. 10.

Luc. 9.

*Quod est mandatum primum in promissione, ut benè sit tibi,
ut sis longævus super terram.*

94. Sicut prioris tabulæ primo præcepto, rerum om-
nium opifici Deo religionem, cultum, charitatem: ita
posterioris primo, parentibus, qui Dei quoddam simu-
lachrum sunt, in quibus ortus nostri quedam imago cer-
nitur, quod ab ipsis natura, vita, disciplina nobis conti-
gerit, reuerentiam, amorem, obseruantiam iubemur
exhibere. Quibus pietatis officiis adiuncta mercedis lo-
co huius & futurae vitæ longioris est extēsio, quam supra

Act. 5.

Rom.

Catech. hist.

vitæ mortalis fines, quos à parentibus acceperunt, diuturniorem hæc parentum reuerentia sit adiunctura, aut in futura beata immortalitate sit etiam compensanda. Quæ compensatio ipsos ethnicos non latuit, cuius convenientiam vel ex sacris literis, vel ex sua ratione siue iudicio, ipsos collegisse fit inde perspicuum, quòd præcepta de honore parentibus post Deum debito, grauiter & concorditer tradiderint: sed tamen quia ad Dei immortalis cultum ea expressè non reuocabantur, ineptè colligit Rollocus, eiusmodi obedientiam fuisse (ciuiliter saltem) simulatam & hypocriticam, &c. Quæ enim recto rationis ducta nituntur, & ab humano iudicio ritè proueniunt, suis finibus non carent, qui fines, quando honestatis aut iustitiae legibus constringuntur, mali esse non possunt, atq; etiam sua mercede non carent.

Et vos patres nolite ad iracundiam prouocare filios vestros, sed educate illos in disciplina & correptione.

Dan. II.
Coloss. 3.

95. Patris erga filium principatus à Domini in seruum planè dissimilis esse debet, quòd Domini seruis ad propriam, parentes filii ad ipsorum utilitatem debeat uti, hinc fit, quòd certos fines præscribat Apostolus parentibus erudiendi filios, vt scilicet cum se liberis exhibuerint magistros Christianæ virtutis, continentie, pietatis, ne quid acerbius aut loquantur, aut in eos statuant, vt nimiam severitatem effugiendo, non tam liberos viciisci, quam corrigere videantur; sic fiet, vt parentum disciplina sanis consiliis ex iusto amore & sincera charitate profectis, niti videatur.

Serui obedite Dominis carnalibus, cum timore & tremore, in simplicitate cordis vestri, sicut Christo non

96. Studiosè admodum diuersis locis, officijs memor res

res seruos esse cupit Apostolus, quia sub ipsis Ecclesiæ primordiis non deerant, qui docerent, Christiano libertati derogare, si credentes etiam empticij infidelibus Dominis seruissent. Has itaq; seruitutis Christianorum *Luc. 12.*
Sap. 1.
Coloss. 3. 4.
1. Tim. 3.
 seruorum conditiones adiunctas cupit, vt Dominis in timore ac tremore obediant, quod extremo iudicij die, Christus eorum rationem ad amissim, que ipsi præstiterint, sit exacturus, vnde & eos sinceros, simplices, proclives, beneuelos, faciles esse cupit, non vtiis, qui hominibus probari solùm student, sint similes, sed potius, vt nullo hominū, sed Dei solius respectu tanquam illi seruientes, suum obsequium Dominis exhibeant. Inanis est proinde Rolloci præoccupatio, ex his confici non humanis, sed diuinis tantum legibus conscientias hominum propriè obligari, quia, inquit, humana lex tantum obligat propter legem Dei, quæ præcipit obedienciam legi humanæ.

97. Sed videtur Rollocus Christianum, in carnis libertatem contrà Apostoli decretum, transferre velle, conscientia reclamante, quem fugere non potest Scripturæ multiplex authoritas condendi leges, quibus necessariò parendum sit ad peccatum vitandum, & ad consequendam beatitudinem. Quid enim hoc est? Non te abiecerunt, sed me, ne regnum super eos: Qui vos audit, me audit, qui vos spernit, me spernit: Visum est Spiritui sancto & nobis: Obedite præpositis vestris, sicut domino. Quibus non obscurè docemur, humanas leges eam habere vim, iuxta legis æternæ, & diuinæ, & naturalis præscriptum, vt obligare possint conscientias hominum, tanquam causæ inferiores, et si non agant, nisi vt dependent à prima, cùm & ipsæ etiam agant, lex enim natu-

1. Reg. 8.
Proverb. 8.
Luc. 10.
Act. 15.
Rom. 13.

naturalis & diuina, non quomodo cunque præscribunt, id ipsum faciendum esse, quod lex humana statuit: sed faciendum idcirkò etiam esse, quoniam lex humana præscribat, siue quatenus ab ea præscribitur. Nam humana potestas de omni eo, quod ad commune bonum pertinet, vt sunt quidam virtutum actus, aliquam legem præscribere potest, vt de **Quadragesimæ**, verbi gratia, ieiunio, tametsi de iis per legem diuinam, aut naturalem in particulari nihil sit præscriptum, quam facultatem præsupposuisse videtur Saluator, quando omnia, ^{a Matth. 7.3.} quæcunque dixissent ^a Scribæ & Pharisæi, esse seruanda præcepit, licet enim humana instituta à Deo videantur subinde reprehendi, ea tamen solum intelligenda sunt damnari, quæ diuinis legibus repugnant, &c. Hinc fit ^{Gal. 5.} perspicuum, damnationis suppicio multandos, qui ^{Hier. in comm. epist. ad Clem. Alexand. lib. 3. Strom.} ceremonias, ritus, & instituta Ecclesiæ authoritate præscripta negligunt.

Scientes, quoniam unusquisque quodcumque fecerit bonum, hoc recipiet à Domino, siue seruus siue

98. Cùm D E v s Euangelicè iudicat, inquit Rolloccus, non iudicat ex pacto operum, seu obedientiæ propriæ, quæ legi satisfaciat, sed ex pacto fidei, siue iustitiæ C H R I S T I per fidem nobis applicatae, & tamen secundum opera, vt secundum testimonia & argumenta fidei, ex qua profiscuntur, & quæ fidem esse in hominibus testentur. Et si crepet Rolloccus præmium, tamen siue serui, siue Domini in ipso merito quodammodo est absconditum, neque illud ipsummet bonum, quod facit, sed eius mercedem sine ullo conditionis respectu (D E v s enim non tam personæ, quam operis ratio-

*Luc. 22.
Rom. 2.*

rationem intuetur) quicunque tandem ille sit, accipi- *Aetor. 10.*
et. Quod verò non opera, sed fidem, quam testantur o-
pera, præmij promissionem, siue mercedem accipere
fingit Rollocus, nihil aliud euincit, quām fidem ex diui-
na promissione & lege præmio compensari. Quod si ita
est, cur operibus ex fide & gratia profectis præmium ne-
gat? Cùm enim mereri nihil aliud sit, quā opus ex pro-
missione siue conuentione compensari, cur hoc cùm
tribuat fidei & operib[us], ea tamen esse merita vadit in-
ficias? Sanè verò paterfamilias iubens solui mercedem *Mattb. 20.*
his, qui pondus & æstus diei portauerunt, nōn tam fidē,
quām opera remunerabat, vt qui reddit vnicuique iux-
ta opera sua, id est, vt alibi dicit Apostolus, qui daturus
est pro operibus retributionem hæreditatis. Quare & il-
lud longè absurdissimum est, quod ait, opera imperfe-
cta, id est, peccata, compensari, quasi Deus peccata re-
muneret, & vitæ æternæ præmio compenset: sed eò sunt
erroris progressi Sectarij, vt hominīs mentem, per gra-
tiam sanatam, non capiant diuinæ voluntati facere fa-
tis, eius legibus & imperatis, &c. obtemperando.

*De cætero fratres confortamini in Domino, & in potentia,
virtutis eius. Induite vos armaturam Dei*

99. Quoniā Deo cura est de nobis, ideo sicut monet
Apostolorum princeps, vt in eo omnē nostram sollici-
tudinem, sic Paulus nostram fiduciā proiiciamus, quia
non modò sufficiens, sed & potens, & præsto est ad fe-
rendam opem, non quod præter fiduciam potētiæ Dei,
quod suarum est partium, homo præstare non debeat, vt
vult Rollocus, quia sicut sub potentissimo rege quis in-
ermis absque periculo militiæ stipendia facere non po-
test: ita nisi quis donis & virtutibus cōtra hostem & bel-

L latorem

Iatorem peritissimum ad certamē descenderit , satis tu-
tus esse non potest . Vnde subditur :

*Quoniam nō est nobis collusratio aduersus carnem & sangu-
inem, sed aduersus principes & potestates.*

100. Licet aliqui carnis & sanguinis nominibus ho-
minem intelligent , quasi aduersus homines , in qui-
bus dæmones pugnant , non sit nobis pugna : alij ve-
rò carnem & sanguinem impuros ebullientis carnis
motus interpretentur , in quo cum brutis conspiramus ;
non tamen à Pauli mente videntur alieni , qui sermo-
nem ad vitæ perfectioris studiosos hīc referri oportere
existimant , quasi iam superata carne , quæ quidem a-
trox & molesta est , restet lucta cñm atrocioribus hosti-
bus , quasi dicatur bellum , quod cum carne est alicui ,
nullius esse molis , si cum eo conferatur , quod nobis est
cum dæmonibus , qui non modò potentia & virtute ,
sed & fraude , & dolo malo stare solent ex insidiis . At
propterea mundi rectores vocantur , quod homini-
bus , mundo deditis , dominantur , in quorum cogita-
tionibus , & consiliis sunt longè efficacissimi . Cùme-
nim naturā Spiritus , ingenio nequissimi atque versu-
tissimi sint , & in hoc aëre caliginoso versentur nobis
proximi , perspicuum est , quomodo muniti omnes es-
se debeant , qui se velint eis opponere . Quæ quidem
oppositio virilis esse debet , cùm de re maximi ponderis
sit cum iis concertatio : nam eorum conatus & rabies
eò feruntur , vt decipient incautos , vt vnde illi ce-
ciderunt , arceant , ne illuc ascendere valeamus .

*Propterea accipite armaturam Dei , ut possitis resistere in die
malo , & in omnibus perfecti stare .*

101. Quia de re maximi ponderis concertatio est iis ,
qui

qui iam in gratia progressus fecerunt , cum potentissimis & nequissimis hostibus, propterea salutis nostræ nos esse sollicitos , cupiens , vniuersum spirituale armorum genus , quo ab eis protegere nos possemus insinuat. Quemadmodum verò corporale indumentorum genus triplex est : ita spirituale. Quoddam enim ordinatur , ne nudi cum hostibus congregiamur , & illud hîc à Paulo ponitur balteum castitatis , lorica iustitiae , & calceamentum pedum , quæ sunt paupertas & puritas , quibus monemur , vt corporeis & fluxis bonis contemptis , desiderio bonorum spiritualium flagremus. Verùm tanto certamini non satis sunt indumenta communia , quibus contra hyemis rigorem , vel ardores aestuii temporis corpora nostra contegimus , quare peritissimus militiæ Christianæ Dux duo alia addidit , quibus præcipuæ corporis partes , quæque principia vitae à Philosophis existimantur , cor scilicet , & cerebrum communire possimus , in omnibus , inquit , sumentes scutum fidei , in quo possitis omnia tela nequissimi ignea extinguere , & galeam salutis assumite. Fidem scuto comparat , quòd fides munimentum sit omnium virtutum , quia sicut scutum supponitur omnibus armis : ita fides omnibus aliis virtutibus ; & quemadmodum scuto repelluntur tela : ita per fidem omnia contraria. Quando enim viuida est fides , facile omnia tela inimici repellit , & ne quicquam noceant , extinguit : neque enim terrenis deluditur oblectamentis , qui verè credit cœlestia. Fides , inquit Augustinus , scutum est , sub quo tuta est iustitia , sicut sub munimine omnium virtutum . 102. Licet nomine galeæ salutaris spes , iuxta quosdā intelligatur , quia sicuti galea , capit is est munimentum :

ita spes est de fine, qui caput est virtutum moralium: alij verò et si charitatem galeam vocent, quòd quemadmodum galea cæteris armis supponitur: ita charitas complementum est & perfectio omnium virtutum, non tam abs reali prudentiam galeā intelligunt, quod prudentiæ, sicut & galeæ, sedes est caput, sensuum enim & moderatrix est prudentia, & auriga virtutum, quæ neq; in hoc, vel illud extreum torpore, aut feruore nimio declinare quemque patitur.

Et galeam salutis assumite: & gladium spiritus, quod est verbum Dei.

103. Non modò ad sui defensionē, sed & ad aliorum impugnationē arma suppeditat Apostolus: Sicūt enim gladio corporaliter hostis oppugnatur: ita spirituales inimici Dei verbo, quod est acutius, quam quiuis gladius vtrinque scindens, vti debent Christiani, hostes impugnaturi. Non enim solū corporis membra incidit diuinus sermo, sed pertingit usque ad animam, adeò hanc ut in partes dissecet: in partem, qua cōmunicamus cum brutis, quam animam vocat, & in partē, qua præstamus brutis, hoc est, rationem & voluntatem, quæ pars Spiritus etiā appellatur, prædicatio verò gladius Spiritus dicitur, qui non penetrat usq; ad Spiritum, nisi ducatur à Spiritu sancto. Hinc ipsa veritas: Non estis vos, qui loquimini, sed spiritus patris vestri, qui loquitur in vobis. Hoc sanè Spiritu incitatus non est, cùm prædicat Rollonus, qui Dei verbum, quam latè pateat, non intelligit, in ipsis Theologianis aberrans, cùm alteram verbi Dei partem ignoret, quæ non minus ad pugnandum necessaria est, quā id, quod literis est expressum. Nam à dæmonie tentatus de perpetua B. Mariæ virginitate, de descen-

Hebr. 4.

Matth. 10.

su Christi ad inferos, de librorum Canonicorum numero & auctoritate, quod respondebit? Nihil sanè, nisi ea ipsa, quæ sunt ab Apostolis viua voce tradita, diuini verbi loco reuerēter habeat, nā gladius, qui est verbū Dei, anceps nō erit, nec vtrīmq; ad scindendū aptus, nisi verbum, quod ex ore Dei procedit, vna ex parte verbo scripto, altera nō scripto possit scindere. Quas traditiones, quia per sermonem acceptas, religiosè seruari iubebantur Apostolorū temporibus Christiani, ideo eas obuiis vlnis amplectimur, nec vincimur, immò vincimus Dei verbo tum scripto, tum per manus tradito, quando Angelos & Sanctos (quos ipse demortuos petulāter vocat, cùm Deus ipsorum, sicut & Abraham, Isaac & Iacob nō mortuorum, sed viuorum sit Deus) adoramus. Neq; enim vt mordendo insinuat, vel Angelis, vel Sanctis diuinum honorē, qui Deo debetur, tribuimus, sicut Deo solet exhiberi, sed eis tanquam Dei amicis & præstantibus creaturis diuersæ rationis honore, cultum, &c. exhibemus ab eo, qui Deo debetur, vt quando petimus ab iis, velint nostra caussā Deum orare, aliquid impetrare. ipsis aliquid ceu Dei seruis promittimus, &c.

In orationem & obsecrationem orantes omni tempore in Spiritu, & in ipso vigilantes in omni instantia

104. Vbi, quibusue præfidiis hæc armatum nobis, tū aliis possimus tempore difficiili in promptu habere, & militiae Christianæ peritissimus Dux, & Ecclesiæ antefignanus docet esse perfectam orationem & obsecrationem, quæ ab unoquoq; summa vigilantia, summa fide, summoq; studio ac demissione reuerenti debet exerciri. Cùm enim dæmones per nos ipsos, per mundum, per seipso nobis infestissimi sint, ideo hīc Paulus, sicut alibi

L 3

passim


passim Scriptura, orationis & vigiliarū spiritualium adiumentis nos esse munitos oportere hortantur. Cùm enim imbecilles simus, & multis nominibus nostris hostibus impares, præcipua verò nostræ perseverantiæ pars ex Dei dono sit, ante omnia ad perseverantiæ necessaria est iugis feruens & deuota oratio. Ita Propheta suis hostibus sua opinione inferior, Deum adibat adiutorē in oportunitate, atq; ideo Christum dixisse, putat Augustinus, oportere semper orare, & nunquam deficere ut perseveratiæ donum impetremus. Cui si diligens obseruatio diuinæ legis accesserit, nihil non eiusmodi oratio est impetratura. Verba enim sunt Saluatoris: Si manseritis in me, & verba mea in vobis manserint, quodcunq; volueritis, petetis, & fiet vobis: Quia verò ut sub oratione, quæ Deo debentur, omnia continentur: ita sub ieunio, quæ nobis metipsis: & sub eleemosyna, quæ proximis: orationi adiungendum esse ieuniū & eleemosynā is intelliget, qui tribus his vniuersam erga nos & proximum disciplinam contineri facile animaduertet.

Vt detur mihi sermo in aperiitione oris mei cum fiducia notum facere mysterium Euagelij, pro quo legatione

105. Cùm Paulus, inquit Rollocus, Ecclesias hortetur, ut pro se orare Deū velint, viuus se non agnouit mediatorem. Quod si non, dum in viuis esset, neque etiam nunc, vita functus. Quasi verò Pauli charitas in cœlis deferuerit, qua maxima flagrâsse ipsum hęc epistola luctuulentissimè testatur in terris, qui toties pro Christianorum salute ardentissimas preces profudisse perhibetur. Neq; proptea ei tribuimus, quæ ad vnicum, absolutissimum, perfectissimumq; mediatorem spectant, cuiusmodi sunt, ut secundum aliam & aliam naturam sit Deus

Deus & homo, quod vi sua, & non alio adminiculo fuerit officio mediatoris functus, quod absolutam peccatorum remissionem, præteritis, præsentibus, & futuris hominibus obtinuerit. Sed hoc est, Rolloce, quod Sanctis & beatis cœlum inhabitantibus ab Orthodoxis trahitur, quod Christi mediatoris meritis nixi, ad salutem hominum sua, vel intercessione, vel opera, & charitate possint cooperari, & sic petita (si ex parte petentium nihil defuerit) impetrare, quibus & propter singularem quandam excellentiam, cultum & reuerentiam exhibemus.

*Magne S. PAULI, Vas electionis intercede
ad Deum pro omnibus nobis.*



Explicatio haec epistola D. PAULI ad Ephesios orthodoxa mihi videtur in omnibus, planeq; dignissima, que typis excusa, etiam publicè hic ad disputandum proponatur

ALBERTVS HVNGERVS Academiæ
Ingolstadianæ Professor, Theologus,
Procancellarius, & pro tempore Col-
legij Theologici Decanus.

8
et non inimico deo. Et illi posuerunt in eum
leprosum quod dixerat, et posuerunt eum in lepra
et in infamiam, et in contemptum, et in contumeliam,
et in tristitia, et in afflictione, et in angustia,
et in morte, et in inferno, et in mortis punitio
et in mortis doloribus, et in mortis miseriis, et in
mortis mortuis, et in mortis mortuis, et in mortis
mortuis, et in mortis mortuis.

et in mortis mortuis, et in mortis mortuis,
et in mortis mortuis, et in mortis mortuis,



UNIVERSITÄTS-
BIBLIOTHEK
PADERBORN



UNIVERSITÄTS-
BIBLIOTHEK
PADERBORN

TROP^{ha}
MARIANA.
Steuartij
exegesis in
epist. ad. P.
ad Ephes.
E iusdem
apolog. pro
Socieitate.

Th
6009